



## МЕСЯЦА ИЮНЯ В 14-Й ДЕНЬ

Святаго пророка Елиссэя  
и иже во святых отца нашего Мефодия,  
Патриарха Константи́ня града

*Бдѣнную службу святому пророку Елиссэю зри на  
страницах 509—517.*

На Господи, возвах: **стихиры пророка, глас 8.**

**Подобен: О, преславнаго чудесе:**

**Р**адуйся, Елиссее премудре: / ты бо, очисти  
ум от сластей телесных, / приял еси, славне,  
зарь духовных, / прочим же всем предал еси /  
и весь явился еси световиден. / Темже все-  
лился еси к Свету незаходимому, / о нас всегда  
молися, / восхваляющих тя.

**Т**я, Елиссее блаженне, / ревнитель Илия / в  
сугубей благодати просвещена оставль, / воздуш-  
ный оружник войстинну явльшийся. / Егоже  
подобием / быстрины речныя уставил еси  
благодатию / и прешел еси, славне, / радостно  
украшаяся и величая Христа.

**Д**ревле верней Соманитиде / отроча даруеши  
молитвою, / егоже, умерша, воздвигл еси, / яко  
пророк Божественный, священно удивляемь; / со-  
лию же паки воды безчадныя / яве претворил еси в  
чадородие, / чудеса безмерная совершаеши /  
благодатию Вседетеля Духа, блаженне, / темже  
поем тя.

**Ины стихиры святаго Мефодия,  
глас и подобен тойже:**

**О**тче Богомудре Мефодие, / якоже лев,  
рыканием / премудрых учений твоих / и Аннина



ужасил еси, льстиваго лиса, / и убо, не терпя твоего обличения, / язвою меча ссекается злочестивый. / Темже не оставил еси стада гиблемаго Христова, / поборник быв православным людем.

**Православия утверждение, / Церкви пастырь, монахов удобрение, / река, наводняема водами Духа, / чаша, проливающая питие пресладко, / светило, просвещающее мира концы, / меч, обоюду наощрен благодатию / и злочестивых полки ссекающ, / ты еси, Мефодие.**

**Исповедания образ, / святителей основание, / и Богодохновенен орган, / воспевый учения, благочестия исполнен, / премудрости дом, любви пучина, / милования струя приснотекущая, / окрин, изливающ пиво умиления, / и благоцветущ, славне, рай / ты еси, Мефодие.**

### **Слава, глас 2:**

**Пророк Божественное пришествие возсия днесь, / созывающе тайно празднлюбныя души. / Иже на колеснице неботечне всед, / востока не вечерняго звезда / с Елиссеем, чудным мужем, / расширяет струи новаго Иордана, / проповедание уясняя благочестия, / сугубым образом воображающе ясно / ветхия и новыя единоголასныя славы / сугубо благословение, / во иже верно совершающих / всепразднственную память их.**

### **И ныне, праздника или Богородичен. Крестобогородичен.**

**Подобен: Егда от Древа:**

**Древу Крестному Тя, Иисусе, пригвождена / зрящи, Неискусобрачная, плачущи, глаголаше: / Чадо сладкое, / почто оставил еси Мене, рождшую Тя, едину? / Свете неприступный Пребезначальнаго Отца, / потщися и прославися, / яко да славу получат Божественную / иже Божественныя страсти Твоя славящи.**

**На стиховне праздника или Октоиха. Потом глаголем припев: Священницы Твоя облекутся в правду, / и преподобнии Твоя возрадуются.**



**И поём стихирю, глас 4:**

**В**есело днесь Цѣрковь Божія одеваётся / и радуется, зовущи: / уяснися моя доброта паче всякаго града, / се бо святителей великое сокровище, / славный Мефодий, шествие к Небесем сотвори. / Приидите убо, празднлюбцы, / православных собор, лик составльше / купно окрест Божественныя раки, / исцелений токи приемше от нея, / молитесь Христу Богу / избавити вселенную от всякия ереси.

**Слава, глас 6:**

**П**ророче, проповедателю Христов, / престола величества никогдаже отлучаешися / и коемуждо болящу присно предстоиши; / в Вышних служа, вселенную благословляеши, / всюду прославляеми, / проси очищения душам нашим.

**И ныне, праздника или Богородичен. Крестобогородичен.**

**Подобен: Тридневен:**

**Н**а Древе Живот наш зряще Всенепорочная Богородица висящ, / матерски рыдаючи, вопиюще: / Сыне Мой и Боже Мой, / спаси любовьию поюция Тя.

**Тропарь пророка, глас 4:**

**В**о плоти Ангел, / пророков основание, / второй Предтеча пришествия Христова, Илия славный, / свыше пославый Елиссееви благодать / недуги отгоняти / и прокаженных очищати, / темже и почитающим его точит исцеления.

**Ин тропарь, глас 4:**

**И**же во плоти Ангел / и пророков начальнику свидетельствова, славный Елиссее, / дивны чудеса соделал еси, пророче, / поспешеством Святаго Духа; / силою Илииною исцелив водное естество, / звери же погуби пожирающия, / и Неемана очисти, / и вдовича сына воскресил еси, / и всем чтущим тя даруй благодать и исцеление.

**Слава, Мефодия, глас тойже:**

**П**равило веры и образ кротости, / воздержания учителя / яви ты стаду твоему / Яже вещей

Истина./ Сего ради стяжал еси смирением высокая,/ нищетою богатая,/ святителю Мефодие,/ моли Христа Бога/ спастися душам нашим.

**И ныне, Богородичен.**

**НА УТРЕНИ**

**Канон Октоиха един и святых два, на 8. Канон пророка, егоже краеграние: Пою весело Елиссееву благодать, глас 5.**

**Песнь 1**

**Ирмос:** Спасителю Богу,/ в мори люди немокрыми ногами наставльшему/ и фараона со всевоинством потопльшему,/ Тому единому поим, яко прославися.

Изначала о Бозе поемыми песнями, имиже поется поемый,/ пророческими облистая хвалами, пою прославльшаго:/ яко прославися.

Взем кожу из руки пророчи, совосприят сан,/ от рала пророк претворяемь зарею духовною:/ яко прославися.

Яко предразуме, Христе, еже к лучшему званию, Елиссеево предложение,/ пророчества благодатию просветил еси, Спасе Всесильне,/ яко прославися.

**Богородичен:** Пречистая Мати Божия,/ воплощеннаго из Тебе и от недр Родителя не отлучшася Бога непрестанно моли/ от всякия беды спасти, ихже созда.

**Ин канон святого Мефодия, глас 4.**

**Песнь 1**

**Ирмос:** Поразитель Египта/ и фараона мучителя погрузивый в мори,/ люди спасл еси из работы,/ моисейски поющая песнь победную:/ яко прославися.

В постех, преподобне, порабоцая тело твоё,/ умастил еси душу твою восхождению Божественными/ и пищу приял еси Вышняго Царства неизживаемую.

Словесным мечем вооружився Духа и, якоже во броня, верою одеявся,/ мужески еретиков полки пресекл еси,/ всеблаженне Мефодие отче.



**Река́ приснотеку́щая Цѣркиви бѣша уста́ твоѧ Божѣственная, / еретическая морѧ я́ко войстинну, преподобне Мефодие, / изсуша́я и напоѧя ве́рныя.**

**Богородичен:** Сень одушевлѣнну, и ковчѣг, и трапѣзу, / го́ру, от неѧже усечѣся без рукú чело́вечу ка́мень, ѧже всех Господь, / Ма́рию Пречы́стую пѣсньми почтѣм.

### Песнь 3

**Ирмо́с:** *Силою Крестá Твоего́, Христѣ, / утверди́ моѣ помышлѣние, / во ѣже пѣти и сла́вити / спаси́тельное Твоѣ вознесѣние.*

**Земна́го пристра́стия отсту́пль, огнедохновѣ́нному послужѣл еси́, / служи́телем угождѣ́ния Влады́ки бесе́дуя.**

**В ду́се приѧл еси́ сугуба учи́теля дарова́ния, / не погрѣши́в лѣностию о́наго восхождѣ́ния.**

**С рыда́нием Или́и предста́в и растерза́в ри́зу, / ми́лотию разделя́еши стру́и Иорда́нския.**

**Богородичен:** Моли́ непреста́нно, Чы́стая, Проше́дшаго из чресл Твоѣх / изба́вити от лѣсти дѧволи пою́щия Тя, Богоневѣсто.

### Ин

**Ирмо́с:** *Утвержда́яй гром и созида́яй дух, / утверди́ мене́, Го́споди, да Тя пою́ ѧстинно / и творю́ волю́ Твою́, / я́ко несть свят, я́ко Ты, Бо́же наш.*

**Тученосный бысть о́блак язык твой, Мефодие, / сердца́ бо благочестѣ́вых напоѧющ сло́вом, / нечестѣ́вых же всегда́ подавляющ плѣвелы.**

**Исправля́я ве́ры сло́во, ран иску́с приѧл еси́ / и в мра́чней, о́тче, темни́це седе́ти осужде́н был еси́. / Те́мже к Свѣту невечѣ́рнему предста́вился еси́, веселя́ся.**

**Му́чеников страда́ния воспѣл еси́, / сих причасти́лся еси́ неотъѣмлемыя, о́тче, ра́дости, / я́ко сугубо пострада́в непреста́нными скорбьми́ и ра́нами, Мефодие.**

**Богородичен:** Гаври́ил, раду́йся Де́ве пове́дуя, веща́ше: / Ду́х Святы́й на Тя на́йдет, Де́во, / и Спа́са Го́спода зачне́ши во чре́ве Твоѣм.

## Кондак Мефодия, глас 2.

Подобен: Твёрдыя:

**Н**а земли подвижался еси, яко бесплотный, /  
и Небеса наследовал еси, Мефодие, / яко изъяснивый в концех икон поклонение, / в трудех бо и болезнях вящше пребыв, / не престал еси дерзновением, / обличая отметающиеся иконы Христовы.

### Икос:

Грехов ми разрешение подаждь, / еже пети по достоянию подвиги твои, Мефодие преславне: / в ров бо глубок ввержен был еси, / да яже прежде души, во глубине погребенныя неведения, / разрешши к сиянию Божественнаго светолития, научив яве подсолнечную / Божественному воистинну неизреченному Христову поклоняться воображению, / обличая отметающиеся иконы Христовы.

## Седален пророка, глас 1.

Подобен: Гроб Твой:

Прозрением Божественным Илия тя великий, мудре Елиссее, ученика взимает, / пророка предпоказует, сияюща Духом. / Темже, днесь всевятую твою память празднующе, / благочестномудренно почитаем тя с ним, славне.

## Слава, преподобнаго, глас 4.

Подобен: Явился еси днесь:

Яко светлое солнце, возсияв, отче, / ученьми твоими всю вселенную, священне, просвещаети, Мефодие, / и отгоняеши мглу еретическую.

## И ныне, праздника или Богородичен:

Пречистей рuce Твои, Дево Мати, простерши, / покрый уповающия на Тя и Сыну Твоему зовущия: / всем подаждь, Христе, милости Твои.

## Крестобогородичен:

На Древе видящи воздвижена Сына Твоего, Пречистая, / утробою матернею растерзаема, жалостно взывала еси: / увы Мне, како зашел еси, Свете Мой Безлётный?



### Песнь 4

**Ирмос:** *Услышах, Господи, / из гроба Твое востание / и прославих / Твою непобедимую силу.*

*Якоже древле воды, и ныне неплодный ум мой исцеляеши, Благодателю, / Елиссеевыми молитвами.*

*Божественне обогатился еси Вышних сказанием / и зверем детей отъемлещи злообразие.*

*Виден был еси, славне, девством украшен, / сущим во тьме прелести, яко светильник, издалеча сияя.*

*Молчать не может Духом движим язык, / твоя дивная в житий, Елиссее, исправления.*

**Богородичен:** *Войстинну славим Тя, Богородице Безневестная, / и в Твое пристанище, вернии, прибегаем.*

### Ин

**Ирмос:** *Услышах, Боже, слух Твой и убояхся, / разумех дела Твоя и ужасохся, Господи, / яко Твоего хваления исполнь земля.*

*Мудрости разумною чашею омочив устне, отче, / реки нам источил еси учений, преподобне, / благочестно творящим память твою.*

*Ты проповедатель возжеленен, сладок словом, прост нравы, / духовными дарованиями, святителю преподобне, пребогат явился еси, Мефодие.*

*Копием мысленным Божественнаго Слова / яже в мерзости еретических сущую пострекав, / уставлял еси нечестия наглость, Мефодие.*

**Богородичен:** *Радуйся, двере мысленная, / из неяже пройде неизреченным словом Царь Небесный / и, соблюди непорочно, запечатану паки остави.*

### Песнь 5

**Ирмос:** *Утренююще, вопием Ти: / Господи, спаси ны, / Ты бо еси Бог наш, / разве бо Тебе, иного не знаем.*

*Молчаливое и краткое, Богодохновенно, души твоя / пророка ты покажи, Елиссее, веры ради.*

*Божественное твоих словес действо просвещает мя глаголы духовными, / Елиссее всеблаженно.*

**Мертв** грех, яко живу предстоящу Гóсподеви, прорóче, / тебе, Елиссее, вменяшеса.

**Богорóдичен:** Не престáй молящи, Егóже родилá еси, Богорóдице, / спасти дýши нáша, воспевающих Тя, Пречíстая.

### Ин

**Ирмос:** Возсияй ми, Гóсподи, свет повелений Твоих, / яко к Тебе дух мой ўтренюет и поёт Тя: / Ты бо еси Бог наш, / и к Тебе прибегаю, Царю мíра.

Свѣтом просвещаемь Трисóлнечным, слáвне, / мрачную и тѣмную ереси мглу благочѣстно отгна́л еси / и звезда́ был еси, вѣрными блиста́я сиянии.

Изощре́на трость Дýха язы́к твой, яко скорописца кни́жника, Мефóдие, показáся, / на скрижа́ли начертáя сердце́ц благодáти Божѣственный за́кон нелóжно.

Слѣзные то́ки всенóщными стоя́нии, яко бисерие, нося, преподóбне, / сими греховны́я пото́ки изсуши́л еси / и Божѣственного Дýха приятелище яви́лся еси чíсто.

**Богорóдичен:** Избавляеши моли́твами Твоими́ от всякаго обстоя́ния / прибега́ющия в покрóв Твой, Мари́е Богорóдице: / Ты бо чту́щих Тя Предста́тельница еси́ и упова́ние с Бо́гом.

### Песнь 6

**Ирмос:** Обы́де мя бѣздна, / гроб мне кит бысть, / аз же возопих к Тебе́, Человеколю́бцу, / и спасе́ мя десни́ца Твоя́, Гóсподи.

Напо́лни пото́ки иногда́ ни дождь, ни дух возду́шный, / воздух же благодáти, прорóче, / и сло́во твоѣ де́йством Дýха напо́лни.

От ма́ла сосúда иногда́, прорóче, якоже напо́лни еси́ незавѣ́стно елей́ женé, / и мне Божѣственную мѣ́лость источи́ти, Елиссее, помолѣ́ся.

Честна́я жена́, прорóче, вѣрою вжиля́ема, / в ста́рости непло́дствия разреше́ние приѣмлет моли́твою, / благочáдие плодя́щи.

**Богорóдичен:** Купи́ну Тя неопали́му, и го́ру, и ле́ствицу одушевле́нну, / и двѣрь Небѣ́сную досто́йно сла́вим, Мари́е сла́вная, / правове́рных похва́ло.



**Ин**

**Ирмос:** Буря мя помышлений, постигши, / во глубину низвлечит мя безмерных грехов, / но Ты, Управителю Благий, / предварив, управи, / яко пророка, и спаси мя.

Пчелé трудолюбней поревновáв, писменные собрал еси цветы, / якоже в со́те, сёрдцем твоим сиé сострояя / и всем источая реку́ учений твоих.

Словес духовных напóлнися, язык твой, премудре, / языкоболia низложи хульников, / проповедающ Христо́во воплощéние почитати и плотское подобие.

Первее убо на седáлици старец похвалив Гóспода, / на святительсте престóле, напоследок же вознёслся еси сам, / упас богоугóдно избранныя, óтче, сия люди.

**Богородичен:** Едину Тя Бóга нашего Мáтерь, Богородице Владычице, тварь вся познавáет, / яко едина вместила еси Бóга несказáнно во утробе Твоей, / Божéственным не опалившись огнём.

**Кондак, глас 2.**

**Подобен:** Вьшних ища:

**П**ророк Бóжий явился еси, / сугубую благодать приёмь, / войстинну достойную тебе, Елиссее блаженне: / Или́и бо был еси совсельник, / с нимже Христу Бóгу моли́ся непрестáнно о всех нас.

**Икос:**

**В** закóне Господни возсиявшаго, вси Елиссéя мудраго пéнии пёсненными воспоём: / весь бо исполнен есть чудес сугубыми óбразы, нам источая исцелений струй, / кропит бо дýши вёрных и спасáет от бед, / якоже дрéвле люди безчáдствующия, / услаждаёт со́лию воды, крещéния благодать возвещая я́ве, / моля непрестáнно о всех нас.

**Песнь 7**

**Ирмос:** В пещи́ óгненной / песнословцы спасый́ óтроки, / благословён Бог отец наших.

Премудрости лучшия ты, Елиссее, исполнися, вопиял еси: / благословён Бог отец наших.

**Ты, яко Жѣзни служитель, матери а́бие жива мѣртва сына, / пророче, показал еси.**

**Ненача́емая\*** иногда пророческия пита́я дѣти, / всегубительныя снѣди сотворил еси неврежденны.

**Богородичен:** **И**же от Дѣвы рождѣйся, Юже Богородицу содела, / благословѣн Бог отецъ нашихъ.

### Ин

**Ирмос:** **В** пещи авраамстии отроцы персидстей, / любовию благочестия паче, / нежели пламенем, опаляеми, взываху: / благословѣн еси в храме славы Твоея, Господи.

Росию Божественныя любве погасил еси страстей, преславне, разжженную пещь; / искушся же напастыми, яко злато горнилом, / яко солнце, блистаеши.

Адамантское сердце в скорбех имел еси и в гонениих, Мефодие, / и ныне блистаеши лучами Небесными и огнедохновенными усты, / темже ты восхваляемъ.

Якоже неборим столп, неподвижим пребыл еси напастными прилоги, / прелести утверждение низлагая, святителю, / силою твоихъ словесъ, Мефодие преблаженне.

**Богородичен:** Пречудный Ты чертогъ, соединшаго Себе человечеству Бѣга / едина породила еси и Дѣвою пребыла еси, / Богоневѣстная Мати, Маріе Дѣво.

### Песнь 8

**Ирмос:** Оросившаго пещь / и отроки сохранишаго посреде горящаго пламене, / отроцы, славословите, священницы, благословите, / людие, перевозите во вся веки.

Сотворшаго очищение пророка повелениемъ отроцы воспеваютъ, / святители благословятъ, людие перевозятъ Его во веки.

От вещи очищ ум, / невещественнаго желаниемъ одержимъ, невещественно видел еси. / Темже, играя, вопиял еси: / Христа перевозите во вся веки.

\* Ненача́емый — неожиданный



**Б**лагодатию провидя будущая, на древе пречистый Крест зриши воображен. / Темже вопиял еси, радуясь, Богонаученный пророче: / Христа превозносите во вся веки.

**К**олесниц множество, окруживших тя, низложи, чудне, / мраком независтно уставил еси, безумие обличая, всеблаженне, вопия: / Христа превозносите во вся веки.

**Богородичен:** Ангели славят Рождество Твое, Чистая Богоневесто, / с нимиже вси поем: / отроцы, благословите, священницы, песнословите, / людие, превозносите во вся веки.

### Ин

**Ирмос:** Земля и вся, яже на ней, / море и вси источники, / небеса небес, свет и тьма, мраз и зной, / сынове человечести, / священницы, благословите Господа / и превозносите Его во веки.

**Т**ы низложил еси еретическая шатания, еже поистинне злочестивая, / и совознесл еси верных Церкви, отче, рог, / Христову наказуя икону чести, Мефодие. / Темже ты поем и любовь почитаем.

**Т**я звезду всесветлую Солнце показал Христос на тверди, премудре, церковней, / и твоими сиянии честных учений концы, отче, / озарил еси во вся веки.

**Т**вое слово, якоже гром, Мефодие, возшумел на земли, / мамыны содейственника и родителя прелести, якоже змия, связав, / отслал еси тьме вечней, яко суща наследника.

**Богородичен:** Един еси единороден горю, един и доле Тойже: / без матери горю от Отца и без отца из Матери долу, / в Нейже вообразился еси в чуждее, Слово, обнищав, / в мое смирившееся естество от греха.

### Песнь 9

**Ирмос:** Тя, паче ума и словесе, Матерь Божию, / в лето Безлетнаго / неизреченно рождшую, / вернии, единомудренно величаем.

**Ж**езлом сечительным возвляча железо пророк, / вещное человек существо, Крестом вознесено, научаше.

Да телес покажет востание Живоначальник, /  
возставляет мертвеца, / отнюд не имуща дыхания  
плотию, / пророка показуя пречестное.

Ныне в Божественном покои Бóга молиши,  
чудне, / блаженство улучшить присно ты блажащим.

**Богородичен:** Радуйся, Богородице, Мати Хри-  
ста Бóга, / Егóже родила еси, моли согрешений  
оставление даровати / верою воспевающим Тя.

### Ин

**Ирмос:** Яко сотвори мне величия Сильный, / и  
свято Имя Егó, / и милость Егó в род и род  
боящимся Егó.

Святителей красота, монахов удобрение, всех  
верных образ, / Церкви пастьерь и православных  
степень ты еси, Мефодие.

Илиину ревность стяжав, исполнил еси студа  
беззаконных иереи, / воплощения Господня непок-  
ланяющихся образу, мудре Мефодие.

Ликую со Ангелы пред лицем Избавителя и  
славы Егó наслаждаяся, / молитвами твоими нас от  
всяких искушений избави, Мефодие.

**Богородичен:** Поём Твое рождество и славим из  
Тебе Рожденнаго, / яко Бóга же и Человека, Мати  
Дéво Чистая, / Егóже моли прилежно помилovati  
нас.

### Светилен.

**Подобен:** Небо звездами:

Илиину благодать сугубу приял еси от Бóга,  
Елиссее Богоблаженне, / и просящим у тебе верно  
сугубо исцеления даеши, / душам же и телом.

### Слава, святителя.

**Подобен:** Учеником, зрящим:

Приидите, вернии, поём Божественную память  
святителя днесь Мефодия, / в ро́ве преисподнем  
ввержена, / да души избавит, погребенныя во тьме,  
от лукаваго нечестия.

### И ныне, праздника или Богородичен:

Препетая Дéво и Богородице, Бóга неизреченно  
рождшая, / прилежно моли Сына Твоего о нас,  
рабех Твоих, / ущедрити и спасти любовью хваля-  
щих Тя.



### На стихóвне Октóиха. Сла́ва, глас 6:

Звезда́ возсия́ благоче́стия от за́пад со́лнца  
ви́димаго, / вели́кий во святите́лех Мефо́дий, / и,  
мглу пресе́к злосла́вных, / почи́ на и́стиннем восто́-  
це, / пра́веднаго Со́лнца, Христа́ Бо́га на́шего, / и  
та́мо со Безплóтными водворя́ся ли́ки, / и престо́-  
лу предсто́я Трóйческому, / я́ко преподо́бен, я́ко  
му́ченик, / я́ко святите́ль, / я́ко патриарх де́янием и  
виде́нием, / нам про́сит, ве́рою творя́щим свяще́н-  
ную егó па́мь, / ве́лия ми́лости.

### И ны́не, пра́здника или́ Богоро́дичен. Крестобогоро́дичен:

Подóбен: Тридне́вен:

Зача́тие Твое́ безсе́менное / и рожде́ство нескა-  
за́нное помышля́ющи, / дивлю́ся зело́: / ка́ко си́це,  
я́коже злоде́й, / благоволи́л еси́ умре́ти, Сы́не? — /  
Пречи́стая взыва́ше.

### НА ЛИТУРГИИ

Прокі́мен, глас 4: Ты иере́й во век по чи́ну Мелхиседе́ко-  
ву. Стих: Ре́че Госпо́дь Го́сподеви моему́: Апóстол: Собóр-  
наго Посла́ния Ива́нвля, зача́ло 57. Аллилу́ия, глас 4: Мои-  
се́й и Ааро́н: Ева́нгелие от Луки́, зача́ло 14. Прича́стен:  
В па́мь ве́чную бу́дет пра́ведник:



### И́на служба бде́нная свята́го сла́внаго проро́ка Бо́жия Елиссе́я

#### НА ВЕЛИ́ЦЕЙ ВЕЧЕ́РНИ

Блаже́н муж: На Го́споди, воззва́х: стихі́ры на 8,  
глас 8. Сла́ва, глас 2 (зри страни́цы 497—498). И  
ны́не: Пре́йде сень законная:

Вход. Прокі́мен дне. Чте́ния 3.

#### Ца́рств четве́ртых чте́ние (глава́ 2):

**Б**ысть во дни о́ны. / Обре́те Или́я Елиссе́я, сына́  
Асафа́това, / и той ора́ше вола́ми, / и и́де Или́я к  
нему́, и пове́рже Или́я ми́лоть свою́ на нем. / И  
оста́ви Елиссе́й во́лы. / И течé созда́и Или́й. И



служаше ему./ И бысть егда взяту быти Илий Господем в вихре яко на небо,/ и идоста Илия и Елиссей в Галгалы./ Рече же Илия к Елиссею:/ седи убо zde, яко Господь посла мя до Иордана./ И рече Елиссей:/ жив Господь, и жива душа твоя, аще оставлю тебе./ И поидоста оба./ И пятьдесят мужей от сынов пророческих приидоша и сташа прямо издалеча,/ оба же стаста при Иордане./ И прият Илия милоть свою, и свит ю,/ и поразил ея воды, и разделися вода сюду и сюду,/ и преидоста оба по суху./ И бысть яко преидоста, и рече Илия Елиссею:/ проси, что сотворю тебе, прежде да же не взят буду от тебе./ И рече Елиссей:/ да будет убо дух, иже в тебе, сугуб во мне./ И рече Илия: ожесточил еси просити;/ обаче аще увидиши мя вземлема от тебе, будет ти тако./ Аще ли же не увидиши, не будет./ И бысть идущема има и глаголющема,/ и се колесница огненна, и кони огненни, и раздели между обема,/ и взятся Илия трусом яко на небо,/ и Елиссей зряше и той вопияше:/ отче, отче, колесница Израилева, и кони его./ И не виде его ктому./ И ятсся Елиссей за ризы своя и раздрал я на две,/ и взят милоть Илиину Елиссей, падшую верху его./ И обратися Елиссей, и ста на бреже Иордана./ И прият Елиссей милоть Илиину, падшую верху его,/ и ударил воды, и не разделишася./ И рече Елиссей:/ где убо есть Бог Илийн Апфот?/ И ударил Елиссей воды второю./ И разделишася воды, и прейде по суху.

### Царств четвертых чтение (глава 2):

Рекоса мужие града Иерихонска ко Елиссею:/ се жилище града сего добро, якоже ты, господи, видиши,/ и воды злы и безчадны./ И рече Елиссей:/ примите ми водонос нов и всыплите ту соль./ И прияша и, и изыде на исхождение вод,/ и вверже тамо соль, и рече:/ тако глаголет Господь:/ исцелих воды сия,/ и не ктому будет огнюд умирая, ниже безчадствующая сими./ И исцелеша воды до дне сего,/ по глаголу, иже глагола Елиссей.



**Царств четвертых чтение (глава 4):**

**Бысть во еди́н день, и прейде Елиссей в Соман, / и ту жена́ вѣлия и удержá его́ снести хлѣба; / и бысть ему́ входити и исходити мно́жицею, / и уклоня́шеся та́мо я́сти хлѣба. / И рече́ жена́ к му́жу своему́: / се ны́не разумѣх, яко́ человекъ Божий свят сей, / мимохо́дит нас присно. / Сотворимъ́ убо́ ему́ го́рницу мѣсто ма́ло / и поста́вим ему́ та́мо одр, и трапѣзу, и престол, и свѣщник, / и бу́дет внегда́ входити́ ему́ к нам, и уклоня́ется та́мо. / И бысть во еди́н день, и вни́де та́мо, и уклоня́ся в го́рницу, и спа та́мо, / и рече́ ко Гиези́ю, о́трочищу своему́: / призови́ ми сомани́тяныню́ сию́. / И призва́ю, и ста́ пред ним. / И рече́ ему́: / рцы́ убо́ ей: / се удивила́ еси́ нас всемъ́ попече́нием симъ: / что подобáет сотворити́ тебе́? / Аще́ есть тебе́ сло́во к царю́, или́ ко князю́ си́лы? / Она́ же рече́: / несть, посреде́ людей́ моихъ аз есмь живущи. / И рече́ ко Гиези́ю: / что подобáет сотворити́ ей? / И рече́ Гиезий, о́трочищ его́: / войстинну́ сы́на несть у нея́, и муж ея́ стар. / И рече́: призови́ю. / И призва́ю, и ста́ при двѣрех. / И рече́ Елиссей к ней: / во время́ сие́, яко́же час сей живущи, / ты зачнёши́ сы́на. / Она́ же рече́: / ни, господи́не, не солжи́ рабе́ твоёй. / И зачатъ во чре́ве жена́, / и роди́ сы́на во время́ сие́, яко́же час сей живущи, / яко́же глаго́ла к ней Елиссей. / И возмужá о́трочищ, и бысть, егда́ изы́де ко отцу́ своему́, к жну́щим, / и рече́ ко отцу́ своему́: / глава́ моя́, глава́ моя́ боли́т. / И рече́ ко о́троку: / неси́ его́ к ма́тери его́. / И несе́ его́ к ма́тери его́. / И лежа́ше на колѣну́ ея́ до полудне, и у́мре. / И вознесе́ его́, и положи́ его́ на одре́ челове́ка Божия, / и затвори́ его́, и изы́де, / и призва́ мужа́ своего́, и рече́ ему́: / послѣ́ ми убо́ еди́наго от о́трок и еди́но от ослятъ, / и теку́ до челове́ка Божия́ и возвращу́ся. / И рече́: что́ яко́ ты идещи́ к нему́ днесъ? / не новъ́ мѣсяцъ, ниже́ суббо́та. / Она́ же рече́: мир. / И оседла́ осля́, и рече́ ко о́трочищу своему́: / ве́ди и иди́, да не удержи́ши мене́, еже́ всести, / яко́же реку́ тебе́: / гряди, и иди, и прииди́ к челове́ку Божи́ю, в го́ру Карми́льскую. / И иде́ и прииде́ до челове́ка Божия́ в го́ру Карми́льскую. /**



И бысть яко ви́де ю Елиссей грядущую / и рече́ к Гиезью, отрочищу своему́: / се́ убо соманитяныя она́я, / ны́не тецы́ в срѣтение ея́, и рече́ши ей: / мир ли тебе́? / И тече́ во срѣтение ей и рече́ ей: мир ли тебе́? / Мир ли мѹ́жу твоему́? мир ли отрочищу твоему́? / Она́ же рече́: мир. / И прииде к Елиссею на го́ру, и я́тся за но́зи его́. / И прибли́жися Гиезій отру́нути ю. / И рече́ Елиссей: / оста́ви ю, яко душа́ ея́ болѣзненна в ней, / и Госпо́дь укры́ от мене́ и не возвесті́ ми. / Она́ же рече́: / егда́ просі́х сы́на у господі́на моего́? / яко реко́х: не прельсти́ мене́. / И рече́ Елиссей ко Гиезью: / препоя́ши чресла́ твоя́, и возми́ жезл мой в ру́це твои́, / и иди́, яко а́ще обря́щеши мѹ́жа, да не благослови́ши его́, / и а́ще благослови́т тя муж, не отве́щай ему́, / и возложи́ жезл мой на лице́ отрочища. / И рече́ ма́ти отрочища: / жив Госпо́дь, и жива́ душа́ твоя́, а́ще оста́влю тебе́. / И воста́ Елиссей и і́де в след ея́, / и Гиезій і́де пред нею́. / И наложи́ жезл на лице́ отрочища, / и не бе гла́са, и не бе слы́шания. / И возвраті́ся в срѣтение его́, и пове́да ему́, глаго́ля: / не воста́ отрочищ. / И вни́де Елиссей в хра́мину. / И се отрочищ уме́рый положѣн на одре́ его́. / И вни́де Елиссей в дом, и затвори́ двѣри за двою́ собою́, / и помолі́ся Го́споду. / И взы́де, и ля́же на отрочищи. / И положи́ уста́ своя́ на устѣх его́, / и о́чи свои́ на о́чи его́, / и ру́це свои́ на ру́це его́, и плесне́ свои́ на плесну́ его́, / и слячѣ́ся над ним, и ду́ну на него́, / и согре́яся плоть отрочища. / И обрати́ся и поході́ в хра́мине сѹ́ду и сѹ́ду; / и взы́де, и слячѣ́ся над отрочищем седми́жды, / и отвер́зе отрочищ о́чи свои́. / И возопі́ Елиссей ко Гиезью, и рече́: / призові́ ми соманитяныню сию́. / И призва́ ю. И вни́де к нему́. И рече́ Елиссей: / приими́ сы́на твоего́. / И вни́де жена́, и паде́ на но́гу его́ и поклоні́ся ему́ до земли́, / и прият сы́на своего́, и изы́де.

### На литіи стихіры, глас 2. Самогласны:

Светі́льницы возсія́ша вселѣнней два: / все́свѣт-  
 лый Или́я и Елиссей. / Ов у́бо Божѣственным  
 сло́вом небесныя ка́пли затвори́ и царя́ обличі́, /  
 на колесни́це же о́гненной на небеса́ вознесѣ́ся; /



ов же, безча́дныя во́ды исцели́ / и, сугу́бу благода́ть при́ят, Иорда́нския стру́й раздели́. / И ны́не со А́нгелы лику́юще, о нас мо́лят: / спасти́ся душа́м на́шим.

**Свети́льниче** невече́рний Це́ркве, / Божество́нною ре́вностию разжигáемь, Или́е проро́че, / небесны́я ка́пли затвори́л еси́, / и, вра́ном пита́н быв, / ца́ря обличи́л еси́, / и священники́ умори́л еси́, / огонь с небесе́ свел еси́ / и, пятьдеся́тника два умори́в, / напитáл еси́ вдови́цу елее́м и муки́ ма́лою го́рстию, / сы́на ея́ моли́твою воскреси́л еси́, / огонь разже́гл еси́ в воде́, / Иорда́нския стру́й пеш прешéл еси́, / колесни́цею же о́гненною на Небеса́ возне́слся еси́, / Елиссéю благода́ть сугу́бую по́дал еси́. / Моли́ся непреста́нно Бо́гу / спасти́ся душа́м на́шим.

**Ра́дуйтеся**, проро́цы честни́и, / и́же зако́н Бо́жий добр учини́вше / и ве́рою я́вльшеся непобеди́мии столпы́ и непрекло́ннии, / вы бо и ходáтаи я́вистеся Но́ваго За́вета Христо́ва / и, преста́вльшеся к Небеси́, Того́ мо́лите / умири́ти мир и спасти́ ду́ши на́ша.

#### **Сла́ва, глас 4. Самогла́сен:**

**Нетле́ннаго** соедине́ния прича́стник, / блаже́нне проро́че, был еси́ / о Бо́зе, Спа́се моём. / Моли́твою Иорда́н раздели́в, по сýху прешéл еси́ / и на о́гненной колесни́це я́ко на Небеса́ восхище́н был еси́, / сугу́бую благода́ть Елиссéю оста́вь, / те́мже мо́лим тя: / а́ще и те́лом восхище́н был еси́, / но ду́хом от нас не разлуча́йся / и всегда́ Христу́ моли́ся / спасти́ся душа́м на́шим.

**И ны́не, пра́здника или Богоро́дичен: При́зри на моле́ния:**

#### **На стихо́вне стихи́ры, глас 1.**

**Подобен: Небесных чино́в:**

**Иере́и** студи́ныя ножéм заклáл еси́, / не́бо язы́ком на зéмлю не дожди́ти удержи́л еси́, / ре́вностию Божество́нною разже́гся, / Елиссéя же испо́лнил еси́ / ми́лоти подáнием сугу́бым, му́дре Или́е, / Божество́нныя благода́ти.

**Стих: Моисéй и Ааро́н** во иере́ех Егó / и Самуи́л в призыва́ющих И́мя Егó.

Духóвными пёсньми / проро́ки Христо́вы вси  
восхва́лим: / Или́я бо Фесвѣтянин небошѣственник  
бысть, / и мѣлотию Елиссѣй благодать при́ят  
сугубу от Бóга, / и свѣтѣльницы свѣтлии вселѣнней  
явѣшася, / моля́ще непреста́нно о душа́х на́ших.

**Стих:** Ты иерей во век / по чѣну Мелхиседе́кову.

Давѣдски днесь, вѣрнии, / проро́ка Господня  
пёсньми почтѣм, / Или́ю Фесвѣтянина и ревнѣтеля  
пресвѣтла, / сей бо язы́ком небо, я́ко ко́жу,  
затвори́ / и зѣмлю плодови́ту непло́дну сотвори́. / О,  
пресла́внаго чудесе́! / Зѣмлен человек небесе́м  
одожди́ти дождя́ не даде́. / О, чудесе́! / Тлѣнен  
челове́к, в нетлѣние оде́ся, / на небеса́ востече́  
огненно́ю колесни́цею, / мѣлотию же Елиссѣю сугу́-  
бу благодать дарова́в, / царя́ облича́я и лю́ди  
непокорѣвыя гла́дом растлева́ет, / иере́и студи́ныя  
вся посра́ми / и вдови́ча сы́на сло́вом воскресѣ. /  
Того́ мольба́ми, Христе́ Бóже наш, / в ми́ре сохрани́  
лю́ди Своѣя / и побѣды одоле́ния на враги́ тем  
да́руй.

**Сла́ва, глас 8:**

Проро́ков верхо́вники / и всесвѣтлыя свѣтѣльни-  
ки вселѣнныя / в пёснях почтѣм, вѣрнии, Или́ю и  
Елиссѣя, / и Христу́ возопи́м радостно: / Благоут-  
ро́бне Гóсподи, / пода́ждь лю́дем Твоѣм мольба́ми  
проро́к Твоѣх / оставле́ние грехо́в и ве́лику  
мѣлость.

**И ны́не, пра́здника или́ Богоро́дичен: Безневе́-  
стная Де́во:**

**Тропа́рь, глас 4:**

**И**же во плóти А́нгел / и проро́ков нача́льнику  
свидѣтельствова, сла́вный Елиссѣе, / дѣвны  
чудеса́ соде́лал еси́, проро́че, / поспѣшеством Свя-  
та́го Ду́ха, / си́лою Или́ино́ю исцели́в во́дное есте-  
ство́, / зве́ри же погубѣ́ пожира́ющия, / и Неема́на  
очи́сти, / и вдови́ча сы́на воскресѣ́л еси́, / и всем  
чтущим тя да́руй благодать и исцелѣние.

**Ин тропа́рь, глас то́йже:**

**В**о плóти А́нгел, / проро́ков основа́ние, / вторы́й  
предте́ча пришѣствия Христо́ва, Или́я сла́в-  
ный, / свѣ́ше посла́вый Елиссѣеви благодать /



недуги отгоняти / и прокажённых очищать, / тем же и почитающим его точит исцеления.

### НА УТРЕНИ

**На Бог Господь: тропарь святого, дважды. Слава, и ныне, праздника или Богородичен.**

#### По 1-м стихословии седален, глас 1:

На огненную колесницу, яко на крылу ветренню, возшед, Божественный пророче, / к Небесем преславно шествие днесь творыши, / свыше сугубую благодать и милоть Елиссееви оставль.

**Слава, и ныне, праздника или Богородичен:**

Мать Ты Божию молим вси, Деву войстинну и по рождестве явльшуюся, / любовьию прибегяющи к Твоей благодати: / Тебе бо имамы, грешнии, Предстательницу, / Тебе стяжанием в напастех спасение, Едину Всенепорочную.

#### По 2-м стихословии седален, глас 3:

Храм твой Божественный всем исцеления незыбисто источает, пророче пречудне, / с Елиссеем предивным, Христу вкупе молитесь / низпослати мир миру и людем, чтущим вас, велию милость.

**Слава, и ныне, праздника или Богородичен:**

Кийждо, идеже спасается, / тамо праведно и притекает. / И кое иное таковое прибежище, яко Ты, Богородице, / покрывающее души наша.

### Величание:

Величаем тя, / святый пророче Божий Елиссее, / и чтим святую память твою: / ты бо молиши за нас / Христа Бога нашего.

#### По полиелееи седален, глас 6. Византиево:

Приидите, православных совокупление, / сошедшея днесь в пречестном храме Богоглаголивых пророк, / псаломски воспойм слычную\* песнь / сих прославльшему Христу Богу нашему, и веселием и радостию возопием: / радуйся, земный Ангеле и

\* слычную — приятную для слуха по согласию песнь



Небесный человек, Илие великоимените; / радуясь, иже сугубую благодать от Бога приемый, Елиссее всечестне; / радуйтесь, заступницы теплии, и предстателие, и врачеве душ и телес христолюбивых людей, / от всякаго прилога сопротивна, и обстояния, и всяких бед / избавите верно совершающия всепразднственную память вашу.

**Слава, и ныне, Богородичен:**

Никтоже, притекаяй к Тебе, / посрамлен от Тебе исходит, Пречистая Богородице Дево, / но просит благодати и приемлет дарование к полезному прошению.

**Степенна, 1-й антифон 4-го гласа. Прокимен, глас 4: Ты иерей во век / по чину Мелхиседекову. Стих: Рече Господь Господеви моему: седи одесную Мене. Всякое дыхание: Евангелие от Лукы, зачало 14.**

**По 50-м псалме стихира, глас 6:**

Якоже Елиссея древле, Твоего угодника, / воинствы безплотными оградил еси, / такожде и ныне, Христе, / Церковь Твою, Тебе возносящую, оградь во веки.

**Канон праздника со ирмосом на 6, или Богородицы со ирмосом на 6, глас 8: Воду прошед: и пророка канон на 8 со ирмосом, глас 5 (зри страницы 500—508).**

**На хвалитех стихиры праздника 3 и пророка 3, глас 1:**

Гряди, Елиссее пророче, рцы яве, / что древо оное, еже в воду вложил еси, / Крест Христов, иже от глубины тли извлекохомся, / Тому поклоняемся верно во веки.

Кто виде, кто слыша, / яко воста человек мертвый, смердящий? / Илия убо воздвиже и Елиссей ныне от гроба, / но ниже четверодневна.

**Глас 8: Древом иногда извлече от реки секиру / Божественный Елиссей, / преднаписав ты издалече, Кресте всечестный, / от глубины бо прелести тобою к вере возведшися, / известный дневний день сподобляемся видети / и верою поклонятися, / тобою объемлюще спасение.**



### Слава, глас 6:

**Проро́че, пропове́дателью Христо́в, / престо́ла вели́чества никогда́ же отлуча́ешься / и коему́ждо боля́щу при́сно предстои́ши, / в Вы́шних служя́, вселе́нную благословля́еши, / всю́ду прославля́еми, / проси́ очище́ния душа́м на́шим.**


**И ны́не, пра́здника или́ Богоро́дичен: Богоро́дице, Ты еси́ лоза́ и́стинная:**

**Славосло́вие вели́кое.**

**На Литургии́ у́став зри на страни́це 509.**

**Святой пророк Елисей** жил в IX веке до Рождества Христова, был родом из селения Авелмаум, близ Иордана. По повелению Господню он был призван к пророческому служению святым пророком Божиим Илией (память 20 июля).

Когда настало время взятия святого пророка Илии на Небо, он сказал Елисею: «Проси, что́ сделать тебе, прежде нежели я буду взят от тебя». Елисей дерзновенно испросил для дела Божия сугубую благодать: «Дух, который в тебе, пусть будет на мне вдвойне». Пророк Илия сказал: «Трудного ты просишь. Если увидишь, как я буду взят от тебя, то будет тебе так, а если не увидишь, не будет» (4 Цар. 2, 9—10). Когда они шли по дороге и беседовали, явились огненная колесница и кони и разлучили их обоих. Пророк Елисей воскликнул: «Отец мой, отец мой, колесница Израилева и конница его!» (4 Цар. 2, 12). Подняв упавшую с неба милоть (плащ) своего учителя, святой Елисей получил силу и пророческий дар Илии. Пророческое служение он проходил более 65 лет, при шести израильских царях (от Ахаза до Иоаса). «И во дни свои не трепетал перед князем, и никто не превозмог его» (Сир. 48, 13). Святой пророк творил многочисленные чудеса. Разделил воды Иордана, ударив по ним милотию пророка Илии; сделал пригодной для питья воду Иерихонского источника; обильным изведением воды молитвой спас от гибели стоявшие в безводной пустыне войска израильского и иудейского царей; избавил бедную вдову от голодной смерти чудесным умножением масла в сосуде. Оказавшая пророку гостеприимство женщи-



на-соманитянка была обрадована рождением сына по его молитве, когда же ребенок умер, то был воскрешен пророком. Сирийский военачальник Нееман был исцелен от проказы, а слуга пророка Гиезий поражен ею за то, что ослушался пророка и тайно от него взял деньги от Неемана. Пророк Елисей предсказал израильскому царю Иоасу победу над врагами и силой своей молитвы совершил много других чудес. Скончался святой пророк Елисей в глубокой старости в Самарии. «И при жизни своей совершал он чудеса, и по смерти дивны были дела его» (Сир.



48, 15). Через год после смерти пророка Елисея мертвец, брошенный в пещеру, где лежали его останки, воскрес от прикосновения к честным костям святого пророка. Пророк Елисей, так же как и его учитель, святой пророк Илия, не оставил после себя книг: их проповедь была только устной. Иисус, сын Сирахов, написал похвалу обоим великим пророкам (Сир. 48, 1—15).

Юлиан Отступник (361—363) приказал сжечь мощи пророков Елисея, Авдия и Иоанна Предтечи, но останки святых мощей были сохранены верующими, и часть их перенесена в Александрию.

Святой Иоанн Дамаскин написал канон в честь пророка Елисея, а в Константинополе был воздвигнут храм его имени.

**Святитель Мефодий, Патриарх Константинопольский**, родился в Сицилии, в богатой семье. По призванию Божию, еще в молодости, ушел в монастырь на острове Хиос и обновил его на свои средства. В царствование иконоборца Льва Армянина (813—820) святой Мефодий занимал высокую должность апокристиария при святейшем Патриархе Никифоре (†828; память 2 июня). Однажды он был послан Патриархом в Рим с поручением к папе и задержался там. В это время Лев Армянин сверг святителя Никифора с престола и возвел на него иконоборца Феодота Мелитинского, по прозвищу Касситер (815—822). После смерти Льва Армянина святой Мефодий возвратился и в сане пресвитера неустанно боролся против иконоборческой ереси. Император Михаил Косноязычный (820—829) вначале показывал себя милостивым и освободил многих заключенных его предшественником за почитание икон, но после возобновил гонение на Православие. Святой Мефодий был заключен в темницу в Акрите. После смерти Михаила Косноязычного воцарился сын его Феодил (829—842), также иконоборец. Более образованный, чем его отец, он освободил святого Мефодия, как человека ученого, превосходно сведущего в делах не только церковных, но и гражданских. Получив свободу, святой Мефодий возобновил борьбу с еретиками; император некоторое время терпел.

После поражения в войне против арабов Феодил обрушил свой гнев на святого Мефодия, говоря, что Бог покарал его за то, что он приблизил к себе «идолопоклонника» (так иконоборцы называли почитателей святых икон). Святой Мефодий возразил, что Господь прогневался на него за поругание Своей святой иконы. Святого предали истязаниям, ему нанесли множество ударов по щекам, отчего челюсть его была раздроблена. На его лице остался безобразный шрам. Святой Мефодий был сослан на остров Антигон и вместе с двумя разбойниками заключен в глубокой пещере. В мрачной темнице, куда не проникал солнечный свет, святой Мефодий томился 7 лет, до смерти императора Феодила.

Во время изгоняемые в заточение святые иноки-исповедники Феодор и Феодан Начертанные (память 27 декабря) послали святому Мефодию приветствие в стихах, на которое узник тоже ответил стихотворным приветствием.

После смерти Феодила воцарился его сын Михаил III (842—867), но ввиду его малолетства Византийской империей правила его мать, блаженная царица Феодора, почитательница икон.

Императрица старалась уничтожить иконоборческую ересь, повелела освободить заключенных за почитание икон исповедников. Занимавший патриарший престол еретик Анний был изгнан, а избран святой Мефодий. В Константинополе был созван Поместный Собор под председательством святого Мефодия (842). Собор восстановил иконопочитание и постановил ежегодно торжествовать победу Православия. Установленный святым Мефодием «Чин Православия» совершается в первую неделю Великого поста.

Стремясь подорвать авторитет святого Мефодия, любовь и уважение к нему паствы, еретики оклеветали его в нарушении целомудрия. клевета была обнаружена, и враги святителя посрамлены. Последние годы жизни святителя прошли мирно, он много трудился, мудро управлял Церковью и своей паствой, восстанавливал разрушенные еретиками храмы, собирал мощи святых, уничтоженные иконоборцами, перенес мощи Патриарха



Никифора из места его заточения в Константинополь. Скончался святитель Мефодий в 846 году. Святой Мефодий был духовно близок с преподобным Иоанникием (память 4 ноября), предсказавшим ему патриаршество и время кончины. Кроме «Чина Православия» Святитель составил также правила для обращающихся к

вере, три чина браков и несколько пастырских поучений и церковных песнопений.

На русском языке издано:

1. Слова о святых иконах. Пер. епископа Арсения (Иващенко). М., 1893 (Московское общество любителей духовного просвещения).



В  
ТОЙЖЕ  
ДЕНЬ

## Святáго благовѣрнаго великаго князя Мстислáва, во святóм Крещѣнии Геóргия, Новгорóдскаго

НА ВЕЛІЦЕЙ ВЕЧѢРНИ

На Гóсподи, воззвáх: стихіры, глас 8.

Подóбен: О, преслáвнаго чудесé:

**Б**лаженне Богомúдре княже Мстислáве, / чїстая  
твоя душа, / правослáвною мúдростию сия-  
юще, / облистá добродѣтелей свѣтлостію / и озаря-  
ет вѣрных исполнѣние, / бесóв тьму отгоняюще. /  
Тѣмже, я́ко причáстника Невечѣрней благодáти, /  
тя благочестно почитáем, досточúдне.

Имѣя дúшу мїлостивну, / и чист помысл, и  
сѣрдце бодрелїво\*, / вѣру неблázненну и любóвь  
нелицемерну, / от земли престáвился есї к Небѣс-  
ным, / лїком праведных причтѣн. / Тѣмже тя чтим  
священными пѣсньми / и благочестно вси ублажá-  
ем, / блаженне княже Мстислáве.

Божѣственными поучѣнии вжиляем\*\*, / слáсти  
смѣртныя от души отгнал есї / и Трóице селѣние  
чїсто был есї. / Тѣмже к Божѣственному наслаж-  
дѣнію отшел есї, / Бóгу соблюдающе ныне  
нерушїмо / твоѣ честное тѣло Божѣственными  
сúдьбами, / їмиже Сам весть, прославляяй тя, / áвво  
Мстислáве.

Житїе твоѣ по Бóзе пожїв, / блаженне княже  
Мстислáве, / в молїтве и постѣ, / по апóстолу в

\* бодрелїво — не дремлющее

\*\* вжиляем — укрепляем



заповедех Господних пребыл еси. / Тёмже молися  
Спасу всех за православных / и нам испроси от  
Господа / милость в День Судный.

**Слава, глас тойже:**

**Блаженне Богомудре княже Мстиславе, / твоя  
мощи честныя обильно источают всегда  
исцеления / верою приходящим к твоему гробу, /  
благоухания всех исполняя духовнаго / и тьму  
бесовскую далече отгоняя, / светом благочестия  
верных сердца озаряя. / Тёмже молим тя, раби  
твой, / всякаго навета вражия нас избавити, / яко  
да, радостно душею святое твое успение духовно  
празднующе, / прославляем Спаса нашего, тебе  
прославльшаго, / единого во святых Своих Бога  
нашего.**

**И ныне, Богородичен. Аще 50-ца, И ныне,  
праздника.**

**Вход. Прокимен дне. И чтения три преподобни-  
ческая (зри страницы 14—15).**

**На литии стихиры, глас 1:**

**Светило великое явися нам днесь, / мир весь  
просвещающее благодаранными чудесы, / княже  
премудре, / якоже источник неисчерпаемый пока-  
зался еси, / яко струи чудес точиши исцеления /  
верою приходящим ти, блаженне, / и припада-  
ющим ко гробу твоему святому: / даруеши же  
душам и телесем здравие неоскудно, / болящим  
великое врачевание, / чудотворче, блаженне кня-  
же Мстиславе. / И о нас ныне молися ко Спасу  
Христу, / празднующих верою честное твое пре-  
ставление.**

**Слава, глас 4:**

**Наста ныне всечестная память / великаго князя  
Мстислава, / нареченнаго по осмодневному закону  
Господню новья благодати Георгия, / нашего  
заступника, и помощника в скорбех, / и болящим  
врача предобра, / и на бранех пособника непобо-  
рима, / сего ради приидите, вси концы земнии, /  
егоже вкупе достойно да ублажим / и светло  
память его торжествуем, / молится бо Господу  
спастися душам нашим.**



**И ныне, Богородичен: Призри на моления: Аще 50-ца, И ныне, праздника.**

### На стиховне стихиры, глас 2.

**Подобен: Дóме Евфрафов:**

**Дом и жилище / Духа Пресвятаго, / премудре княже Мстиславе, был еси, / темже и нас дома Того содейай, / святое твое преставление почитающих.**

**Стих: Возвеселится праведник о Господе / и уповает на Него.**

**Житие твое, яко солнце, / в сердца верных возсия, / чудес зарю испущая. / Темже и нас светом Невечерним озари, / всечестное твое успение почитающих.**

**Стих: Блажен муж, бойся Господа, / в заповедех Его восхощет зело.**

**Не престаи моляся, княже Мстиславе, / о присных твоих рабах, / ихже духовным твоим житием просветил еси, / да вси честное твое успение, / веселящися, почитаем.**

### Слава, глас 8:

**Добродетелей твоих, Богомудре, исправления, / уясниша верных сердца; / кто бо, слышав безмерное твое смирение и терпение, не удивится, / еже ко всем кротость и беззлобие, / к скорбящим милование / и к сущим в бедах скорое поможение, / в путь шествующим благое поспешение / и плавающим немятежное пристанище. / Вся боголепно предвари, досточудне княже Мстиславе, / и ныне неувядаемым одеяся венцем / от руки Вседержителя Бога. / Егоже моли спастися душам нашим.**

**И ныне, Богородичен. Аще 50-ца, И ныне, праздника.**

### Тропарь, глас 4:

**Измлада явился еси, Богомудре княже Мстиславе, / Божественный сосуд, избран Богови, / благочестием воспитан, / веру непорочно соблюл еси. / Темже предстои Святей Троице, / молися стране Российской сохраненной быти / и всем нам спастися.**



**Сла́ва, и ны́не, пра́здника и́ли Богоро́дичен.**

**НА УТРЕНИ**

**На Бог Господь: тропарь дважды. Сла́ва, и ны́не, Богоро́дичен.**

**По 1-м стихословии седа́лен, глас 2:**

**Смирён мудрова́нием, и ми́лостив, и боголю́бив, / и любве́ исполнен яви́лся еси́, Богодухнове́нне, / умилён и кро́ток, я́коже А́нгел, на землі пожи́в, / те́мже почи́ на тебе́, я́коже на чистоте́, блаже́нне кня́же Гео́ргие, / Оте́ц, и Сын, и Дух Святы́й.**

**Сла́ва, и ны́не, Богоро́дичен:**

**Да изба́вимся моли́твами Твои́ми, Пречи́стая, сетей врага́, / чту́щии па́че сло́ва Твое́ рождество́.**

**По 2-м стихословии седа́лен, глас 4:**

**Благона́рочитую па́мять пра́зднует вку́пе вся Це́рковь / преста́вления вели́каго кня́зя Мстисла́ва, / нарече́ннаго по но́вой благода́ти Гео́ргия, уго́дника Христо́ва, / и сего́ приле́жно моля́ща исцелі́ти недуги́ и болéзни на́ша / и вся́ких искуше́ний изба́вити, / ве́рою восхваля́ющих его́.**

**Сла́ва, и ны́не, Богоро́дичен:**

**В кров Твой, Пречи́стая Де́во, прибега́ющих, / мольбу́ принеси́ о нас к Человеколю́бцу Бо́гу, / спасти́ся раба́м Твои́м.**

**По полиеле́и седа́лен, глас 5:**

**Во плóти я́вльшася безплóтнаго и добродетельми́ премі́рно просия́вшаго, / блаже́ннаго и Богоно́снаго кня́зя Мстисла́ва восхва́лим ве́рою и любóвию, / я́ко моля́щася Го́споду непреста́нно о всех нас.**

**Сла́ва, и ны́не, Богоро́дичен:**

**Чи́стая, Всенепоро́чная и Неискусому́жная, / Я́же еди́на Безле́тнаго Сы́на и Сло́ва Бо́жия в ле́то ро́ждши, / Сего́ с Богому́дрым кня́зем Мстисла́вом моли́ / дарова́ти нам очище́ние и ве́лию ми́лость.**



**Степéнна, 1-й антифóн 4-го глása. Прокíмен, глас 4:** Возвеселíтся прáведник о Гóсподе / и уповáет на Него́. **Стих:** Услы́ши, Бóже, глас мой, вневгдá молíтимися к Тебé. **Всякое дыхáние: Евангелие от Матфе́я, зачáло 43.**

**По 50-м псалмé стихíра, глас 6:**

**Настá** ныне всечестнáя пáмять / вели́каго кня́зя Мстислáва, / наречéннаго по осмоднéвному закóну Госпóдню нóвья благодáти Геóргия. / Вёрных сердцá уяснí пáче солнца / добродéтелей сво́их блистáнием / и, я́ко лучá свéтла, мир озаря́я чудесы́ сво́ими, / Солнце бо Прáведное, Христóс Бог наш, / молíтвами его́ просвещáет дýши нáша.

**Канóн Богорóдицы, глас 8, Воду́ прошéд: со ирмосóм на 6 и свята́го на 8, глас 2.**

### Песнь 1

**Ирмос:** *Во глубинé постлá иногдá / фараонíтское всево́инство преоружéнная сýла, / воплощшея же Слóво всезлóбный грех потребíло есть: / препрослáвленный Госпóдь слáвно бо прослáвился.*

**Высо́ко житиé имей / и восхождéнии Божéственными весь свéтел быв, / просвещéние ми испросí, восхваля́ющу тво́я честнýя пóдвиги, / ýмиже дóбре пожív, улучíл есý, Мстислáве, ýхже надéялся есý.**

**Мироухáнная любя́ учéния / и во чтéнии Священных Писáний упражня́ясь, / сластей уклонíлся есý, блаженне, смрадных и безчестных / и облаговóнился есý, Божéственными добрóтами украшáемь.**

**Дремáние óчию от душý, блаженне, отгнáл есý, / бдя и Бóгови приединевáясь\* всенóщными стóянии, / не преклонён нýждами естества́: / тэмже ко дню невечёрнему достíгл есý.**

**Богорóдичен:** *Я́ко черто́г одушевлён Бóжий / и кадильницу мýсленнаго и светонóснаго Угля, / прýсно Благодáтную ублажáем Богорóдицу, зовýще: / рáдуйся, Ходáтаице спасíтельного воскресéния.*

**Катавáсия по уставу.**

\* приединевáясь — присоединяясь



### Песнь 3

**Ирмос:** *На камени мя véры утвердив, / разширил еси уста моя на враги моя, / возвесели бо ся дух мой, внемда пети: / несть свят, якоже Бог наш, / и несть праведен, паче Тебе, Господи.*

Глаголом животочным внимаю, / испил еси воду спасения, возгнушався горькаго греха, / и, пою, глагола еси Бóгови, Мстиславе, / яко несть свята, паче Тебе, Господи.

Милование стяжал еси христоподражательно, / раздал еси богатство требующим, / Небесное богатство, ходатайствующее тебе, / еже и получил еси, пою, Мстиславе, / яко несть свята, паче Тебе, Господи.

Присвоився Зиждителю любовью Божественною, / прия еси Небесное наследие, / древа животнаго получитьи сподобился еси, блаженне, / Боготворением обожаяся и пою, славне, / яко несть свята, паче Тебе, Господи.

**Богородичен:** *Несекóмую гóру Тя дрéвле Аввакúm провиде, Всенепорóчная, / из неяже Бог явился и нас, истлévшия, обновил есть.*

### Седáлен, глас 4.

Благоволív благими деянии, / искусился еси, яко злато в пещи, напáстьми, Мстиславе славне. / Тémже и по смéрти источáеши чудеса богáтно, / яко воды, недúги уставляеши, / о нас присно моли́ся, / яко да согрешéний прощéние приймем.

### Слáва, и ны́не, Богородичен:

Чíстая, Всенепорóчная и Неискусомúжная, / Яже едина Безлётнаго Сына и Сло́ва Бóжия в лéто рóждши, / Сего́ с Богомúдным князем Геóргием и со все́ми свята́ми моли́ / дарова́ти нам очищéние и вéлию мило́сть.

### Песнь 4

**Ирмос:** *Пришел еси от Дéвы не ходатай, ни Ангел, / но Сам, Господи, воплощся, / и спас еси всего́ мя, челове́ка. / Тем зову́ Ти: слава́ силе́ Твоéй, Господи.*



**Повелѣния** отѣческая храня невредимо право-  
вѣрным смѣслом, / ты от юности имѣл еси житіе  
чисто и милостивен нрав, досточудне.

**Ни** смущение мирское, ни власти держание, ни  
слава временная / твоего к Богу рачения, княже  
Мстиславе, преврати, / но благоволил еси вой-  
стинну Божественным деянием.

**Вознесся**, Божественными поучением вину врага  
смирил еси, / исцеления детель \* приял еси, Мстис-  
лаве, / судом праведным всяческая правящаго.

**Богородичен:** Препетае воинствы, / горе Препе-  
таго Бога родила еси, Человека войстинну быв-  
ша, / Егоже за рабы Твоя молящи не престаи,  
Приснодево.

### Песнь 5

**Ирмос:** Просвещение во тьме лежащих, / спасе-  
ние отчаянных, Христѣ, Спасе мой, / к Тебѣ  
утренюю, Царю мира, / просвети мя сиянием  
Твоим, / иного бо, разве Тебѣ, бога не знаю.

**Светом** чистым Святых Троицы просвещен, /  
законом же Сея огражден, / ночь житийскую без  
претыхания прешел еси, / видения Божественны-  
ми возвышаяся, Богомудре, / в Божественный  
живот вселился еси.

**Ныне** на тебе чудо велие видится и ужаса  
исполнено, / яко по погребении войстинну надолзе  
соблюдается / невредимо, блаженне, твое тело, во  
гробе лежащее, / судом, имже весть Бог, прослав-  
ляяй тя.

**Блаженне** княже Мстиславе, / твое дерзновение  
к Богу и любовь, юже от сердца, к Тому имети  
благоволив, / истинно именованно же возсияв прес-  
лавно, / Божественными светлостми просвети  
верных сонмища.

**Богородичен:** За ны из Тебѣ воплощагося,  
Дево Мати, всегда моли, / благочестно Тя блажа-  
щим, / избавитися бед, душегубных страстей, и  
печалей, / и вечнующаго пламене мучения.

### Песнь 6

**Ирмос:** В бездне греховней валяясь, / неизслед-  
ную милосердия Твоего призываю бездну: / от тли,  
Боже, мя возведи.

\* детель — сила



**Ка́пли сла́дкия иска́паше, бла́женне, / пот твои́х сла́дость и исцелéний сия́ния / на похвалу Христа́, Бо́га на́шего.**

**Во двóрех Бо́га процвёл еси́, / виноград многоплóден прозя́б и добродéтелей грóздие, / Делателю душáм обилие пода́в.**

**Цáрства Бо́жия возжелёл еси́, / над страстьми́ цáрствовав, кня́же Мстисла́ве, / и по произволéнию лúчшему рáдость прáведных получи́л еси́.**

**Богорóдичен: Избáнно Бо́гу б́вши́ я́ко прерáсное селéние и простра́нное, / Сéму, Дéво, бы́ла еси́ и черто́г, и свéщник, и трапéза.**

### Конда́к, глас 8:

**М**ногомúдренно пож́ив в княжéнии твоём / в вели́ком Но́ве гра́де сем, / благове́рный кня́же Мстисла́ве, / плод бла́гий Бо́гови в жи́зни сей был еси́, / присноцвету́щ добродéтельми, / тогó рáди получи́л еси́ жизнь вéчную на Небесéх, / тéло же твоё нетлéнием прослáвлено бы́ть на земл́и. / Мы́ же, предстоя́ще икóне твоёй, любóвию вопи́ем ти: / рáдуйся, утверждéние гра́ду на́шему.

### Йкос:

**Всечестну́ю пáмять почт́им угóдника Христо́ва, вели́каго кня́зя Мстисла́ва, / наречéннаго по осмоднёвному закóну Господню́ но́вья благода́ти Гео́ргия, / отéческою диад́имою от ю́ности укра́шенна, / хра́браго во́ина на супоста́ты и вла́стеля благоут́шна, / и рáдостныя глаго́лы от сёрдца воззовём к нему́, си́це реку́ще: / рáдуйся, я́ко из млады́х ногтэй Бо́га возлюб́ив; / рáдуйся, я́ко заповедей Егó нелóжный хранíteль. / Рáдуйся, избáвивый Нов град от нахождéния иновёрных язы́к; / рáдуйся, нелóжный правíteлю отéческих предáний. / Рáдуйся, благочéстия сто́лпе, непоколеб́им вра́жиими прило́ги; / рáдуйся, бédным уте́шение и заступ́ниче. / Рáдуйся, я́ко сподóбился еси́ восприя́ти венéц пресвётел и исто́чник исцелéний; / рáдуйся, преслáвный кня́же Мстисла́ве, кня́зем росси́йским похвалó. / Рáдуйся, утверждéние гра́ду на́шему.**



## Песнь 7

**Ирмос:** Богопротивное веление беззаконнующаго мучителя / высок пламень вознесло есть. / Христос же простре Богочестивым отроком росу духовную, / Сый благословен и препрославлен.

Крепостию возмог Живодавца, / плотское удержал еси желание, пребогате, / и ум возвысил еси на Небесная, поя крепко: / Сый благословен и препрославлен.

Сам ся благороден сотворив, / благородны нравы стяжал еси умом целым, / поучением же упражняяся Богодохновенных писаний, / все желание твое к Богу Всевидцу, блаженне, возложил еси.

Горнее Царство, Вышний град, Божий рай, / праведных наслаждение и пищу несодееянную, / богатство некрадомое, Свет невечерний, обрести сподобился еси, / княже Мстиславе блаженне.

Песнословивша тя богомудренно по Христове Церкви, / Божественная предания и отеческий устав прием, / Великий Нов град содержит, поя: / благословен Бог отец наших.

**Богородичен:** Егоже родила еси, Владычице, / присно моли от работы избавити мя страстей, и осуждения, / и стужающего ми лютаго окаменения, / и оскорбляющего, Чистая, одержания, Богорадованная.

## Песнь 8

**Ирмос:** Пещь иногда огненная в Вавилоне действия разделяше, / Божиим велением халдеи опаляющая, / верная же орошающая, поющая: / благословите, вся дела Господня, Господа.

Огнь помышляя страшный, / пред Престолом Христовым хотяще изыти, / умилением сердца теплы проливаеши потоки слезныя, / погашая теми страстей пещь, Мстиславе Богомудре.

Любовию предложил еси твою, мудре, к Богу душу / и к Тому прилепился еси, вопия песненно: / Христе мой, Ты ныне мя избави страстей смертоносных во веки.



**Терпением** пождатель\* и сердцем смирен ты виден был еси, / милостив просящим, обычай присно благ имея / и нрав добродетельный, всечестне, / в нихже добре пожив, чудес точиши благодать.

**Тобою**, Богоблаженне княже Георгие, / великий Нов град вельми хвалится, / в нем бо благочестиво пожил еси, спасение соделав, / Троицу чтити научил еси во Едином Божестве, / и поклонятися Той, и благословити во веки.

**Богородичен:** Адамов Содетель от кровей Твоих чистых зиждется / и млеко питается, питаей всяко дыхание, Дево Богородице. / Тем, яко Матерь Тя Божию, величаем.

### Песнь 9

**Ирмос:** Безначальна Родителя Сын, Бог и Господь, / воплощся от Девы, нам явися, / омраченная просветити, собрати расточенная. / Тем Всепетую Богородицу величаем.

**Видети** желая славу Бога нашего, / добродетельми Богоразумия себе удобрил еси / и, свещу нося, вшел еси во светлый чертог, / со Ангелы живый, яснее наслаждаяся Божества.

**Яко** утреннее солнце, / возсия днесь твоего от земли преставления день, / сущия во мраце сердца просвещая: / ты бо света и дне явился еси войстинну сын, Богомудре княже Георгие, / сего ради тя почитаем.

**Мудростию** украшаяся и разумом просвещаяся, / смирением сердца красуюся, / высотой жития, досточудне, в разумныя вшел еси дворы, / идеже нас помяни, чтущих тя, / блаженне и досточудне княже Мстиславе.

**Якоже** солнце блистая, / зарю испущаеши чудес, просвещая всех сердца, / твоего славнаго успения память творящих верно, / треблаженне и Богомудре княже Мстиславе.

**Богородичен:** Небо рождши, Анно, новое — Марию, / Еюже возсия Славы Солнце, / днесь от земли к Небесным преходиши, / Христу молящися о спасении душ наших.

\* терпением пождатель — ожидающий с терпением



## Светилен.

Подобен: Со ученики:

**Владычню Престо́лу ны́не с пра́ведными ли́ки предсто́я, Богому́дре кня́же Мстисла́ве, / моли́тися не преста́й дарова́ти победы́ на сопроти́вныя вся, / и междоусо́бныя бра́ни укроти́ти, / и мир ми́рови устро́ити, и спасти́ ду́ши на́ша.**

### Сла́ва, и ны́не, Богоро́дичен:

**Щедро́ты Тво́я, Бо́же, на лю́ди Тво́я низпосли́ / моли́твами Пречи́стыя Твое́я Ма́тере и всех святы́х / и ра́ди уго́дника Твоего́ блаже́ннаго кня́зя Мстисла́ва / да́руй нам ве́лию ми́лость.**

### На хвали́тех стихи́ры, глас 5:

**Егда́ в честное́ преставле́ние тво́е / вели́каго Но́ва гра́да наро́ды, / я́ко от фими́ама церко́внаго, напо́лнишася благово́ния, / тогда́ позна́ша лю́дие пра́ведное тво́е преставле́ние и стеко́шася вси, / луча́ми бо чуде́с всех озари́л еси́, / тем и ны́не Христа́ Бо́га моли́ / спасти́ся ду́шам на́шим.**

**Егда́ правове́рнии лю́дие стеко́шася, / в честное́ успе́ние тво́е, / тогда́ обрето́ша, я́ко безце́нное сокро́вище некра́домое, / чудотвори́вое те́ло тво́е, кня́же Мстисла́ве. / Лице́ же тво́е, па́че со́лнечнаго све́та сия́юще, / всю́ду благово́ния испо́лни, / су́щим же хро́мым хождэ́ние и слепы́м зрэ́ние дарова́л еси́. / Моли́ Христа́ Бо́га / пода́ти отпу́щение согреше́нием на́шим, / пресла́вно соверша́ющим па́мять твою́.**

**Днесь, правове́рнии лю́дие, стецы́теся / во храм Прему́дрости Бо́жия, / иде́же лежи́т ны́не чудотвори́вое те́ло блаже́ннаго кня́зя Мстисла́ва, / исцеле́ния пода́ются всем челове́ком, / ве́рою притека́ющим к Боже́ственной ра́це тво́ей. / Те́мже и мы мо́лим тя: / моли́ спасти́ся ду́шам на́шим.**

**Блаже́нне Богому́дре кня́же Мстисла́ве, / в ме́ру пра́ведных дости́гл еси́, / смиренному́дрия же ра́ди де́монов вы́и сокруши́л еси́, / по́стным же воздержа́нием и слэ́зными то́ки / ва́рваров ро́ги сломил еси́. / Христу́ приле́жно моли́ся, / досточу́дне кня́же Мстисла́ве, / соверше́нне испроси́ти во́инству на́шему / на сопроти́вныя победы́.**



### Слава, глас 6:

**Вострубим** духовными пѣсньми, / во псалмѣх и пѣниих, / стецѣмся в цѣрковь Премудрости Божия / и услышим заступника Великому Нову граду нашему, / егѣже молитвами своими соблюдает всегда от нашествія сопротивных. / Тѣмже ему вси тако рцем: / досточудне княже Мстиславе приснопамятне, / предвари и избави нас от искушений всяческих, / любовью молящих тя, / яко теплѣ предстателя ко Спасу всех Богу, / за люди твоѣ, / да спасет души наша.

### И ныне, Богородичен:

**Богородице**, Ты еси лоза истинная, / возрастившая нам Плод Живота, / Тебѣ молимся: молися, Владычице, / с благоверным князем Мстиславом / помилovati души наша.

### НА ЛИТУРГИИ

**Блаженны от канона песни 3-я и 6-я. Прокимен, глас 7:** Честна пред Господем / смерть преподобных Его. **Стих:** Что воздам Господеву о всех, яже воздаде ми? **Апостол к Галатам, зачало 213.** **Евангелие от Матфея, зачало 43.** **Причастен:** В память вечную:

**Святой благоверный князь Мстислав**, в Крещении Георгий, жил в XII веке. Он был внуком великого князя Киевского Мстислава (†1132) и сыном Смоленского князя Ростислава (†1168). В 1168 году он участвовал в победе южно-русских князей над половцами. Святой князь принимал участие в других княжеских походах, он прославился необычайным мужеством, за что был прозван «Храбрым». Когда великий князь Владимирский Андрей Юрьевич объявил Ростиславичам войну, святой князь Мстислав сказал ему: «Доселе мы уважали тебя, как отца, но когда ты говоришь с нами, как с слугами, идем на суд Божий». Надеясь на милость Божию и помощь святых мучеников благоверных князей Бориса и Глеба, святой князь с малочисленным войском одержал победу.

Святой князь Мстислав не гордился своей победой и примирился с князем Андреем. В 1175 году смоля-

не пригласили святого князя на княжение в Смоленск. Когда же в Смоленск вернулся из Киева брат святого князя Роман, он уступил ему княжение.

Благоверный князь Мстислав отличался нестяжательностью, щедро расточал милостыню, помогал обителям. Он не вступал в распри с другими князьями и в период междоусобиц стремился к миру, довольствуясь малым.

В 1179 году новгородцы просили святого Мстислава быть их князем. Благоверный князь защищал новгородские земли от эстонцев, которые осаждали Псков. В 1180 году святой князь Мстислав неожиданно заболел и скоропостижно скончался 14 июня. Перед кончиной он велел отнести себя в храм, где причастился Святых Христовых Таин. Новгородцы горько оплакивали кончину любимого князя. Летописец сообщает о благоверном князе Мстиславе: «Он был роста



среднего, лицом красавец, а душа его была еще лучше. Щедро расточал он милостыню, помогал обителям. Был храбр и мужественен; он желал умереть за землю Русскую. Когда приходилось освобождать пленных у язычников, он говорил: «Братья! Если умрем за христиан, очистимся от грехов». Он не собирал ни золота, ни серебра, но раздавал то дружине своей, то церквам за свою душу».

Святой князь Мстислав был погребен в новгородском Софийском соборе, в приделе в честь Рождества Пресвятой Богородицы. По описанию 1634 года «мощи его нетленны, а рука ему правая выспрь».

#### Литература

Филарет (Гумилевский), архиепископ Черниговский. Жития русских святых. Июнь. СПб., 1900.



В  
ТОЙЖЕ  
ДЕНЬ

## Преподобнаго Мефодия, игумена Пешношскаго

### НА МАЛОЙ ВЕЧЕРНИ

На Господи, воззвах: стихиры на 4, глас 1.

Подобен: Небесных чинов:

**К**ако ты по достоянию ублажим, / преподобне  
Отче Мефодие, / или кия песни хвалёбныя /  
воспоём к прославлению твоих подвигов? / Ангел  
во плоти воистинну явился еси / и угодник Хри-  
стов, чудесы прославленный.

Давидски, отче, на всяк день / постелю твою  
слезами омывал еси, / очищая душу твою от  
скверны греховныя, / дондеже вселися в тя Прес-  
вятый Дух, / Егоже сосуд освящен был еси / и  
тайник велий Божия благодати.

Поминая, отче, исход души твоея, / вся красоты  
мирския презрел еси, / и, в пустыню вселився, /  
труды святоподвижными добре Богу угодил еси, /  
и явился еси, яко сад прекрасен, / цветами добродетелей процветший.

Пустыни красное прозябение, / преподобнаго и  
Богоноснаго отца Сергия учениче, / отче Мефодие,  
/ ты с учителем твоим добре подвизался еси, /  
ревнуя того добродетелем, / и от бесов скорби  
многи претерпел еси, / молитвою непрестанною на  
них вооружився, / вся искушения их победил еси, /  
тем ныне со Ангелы ликуеши.



### Слава, глас 6:

Преподобне отче Мефодие, / ты от младых ногтей / заповеди Евангелия Христова возлюбил еси / и, крест твой взем, Христу последовал еси, / умом чистым вину поминая Того воздаяние, / делателем заповедей Его обетованное, / и присно размышляя о славе невечерней Царствия Небеснаго, / темже ты ублажаем.

### И ныне, Богородичен:

Богородице, Ты еси лоза истинная, / возрастившая нам Плод Живота, / Тебе молимся: молися, Владычице, / со святыми апостолы и преподобным Мефодием / помилovati души наша.

### На стиховне стихиры, глас 2.

Подобен: Доме Евграфов:

Дома Божия строителя Богомудраго / и пастыря словесных овец Христовых добраго, / яви ты Христос в стране Российстей, / отче Мефодие, / молитвенниче усердный о душах наших.

**Стих:** Честна пред Господем / смерть преподобных Его.

Дом Духа Святаго душа твоя бысть, / отче Мефодие, / в ней бо добродетели высокие возрастил еси / и достигл еси в мужа совершенна о Христе, / сильна и непобедима в бранех со враги невидимыми.

**Стих:** Блажен муж, бойся Господа, / в заповедех Его восхощет зело.

Дома Господня благолепие возлюбил еси / и в самом себе храм Триипостасному Богу уготовал еси, / в немже Христос со Отцем и Духом вселися, / Мефодие Богоблаженне, / молитвенниче о душах наших.

### Слава, глас 8:

Кто изрещи возможет твои подвиги и труды, / отче преподобне, / бдения и сухоядения и непрестанные молитвы, / имиже в пустыни многолетне подвижался еси? / Войстинну древним Богоносным отцем подобен был еси, / с нимиже равное воздаяние от Господа прием, / вину молися, отче Мефодие, / помилуватися душам нашим.



### И ныне, Богородичен:

Владычице, прими молитвы раб Твоих / и избави нас / от всякия нужды и печали.

Тропарь писан на велицей вечерни.

Слава, и ныне, Богородичен: Иже нас ради рождейся от Девы:

### НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах: стихиры на 8, глас 8.

Подобен: О, преславнаго чудесе:

О, преславнаго чудесе! / В стране полунощней светильник Божия благодати возсия, / преподобный и Богоносный отец Мефодий, / пустыни Пешношския святопроцветшее прозябение / и всея Россійския страны духовное украшение. / К нему же, вопиюще, рцем: / о преподобне, помолися ко Господу, / Ему же совершенно угодил еси, / даровати нам мир и велию милость.

О, преславнаго чудесе! / В стране хладней цвет прекрасный добродетелей возрастé / и Церковь Христова благоухания духовнаго исполни / преподобный и Богоносный отец Мефодий, / великаго во отцех Сергия спостник и ученик / и того подвигов подражатель. / К нему же, взывающе, глаголем: / о преподобне, помолися ко Господу / вкупе с преподобным Сергием / даровати нам мир и велию милость.

О, преславнаго чудесе! / Како ты, отче Мефодие, / в брэнней плоти / ангельское житие проходил еси / и, смертен телом, / от смерти греховныя души человеческия свободдал еси / ученьми твоими и чудесы: / молися выну, отче преподобне, / о нас, чадах твоих духовных, / еже упасенным быти нам во спасении / и получитьи тобою мир и велию милость.

Слава, глас 6:

Егда, отче преподобне, / по мнозех подвизех и трудех / уразумел еси духом твоё ко Господу отшествие, / тогда со слезами Богу помолился еси / о обители твоёй и ученицех твоих / и вся, нуждная



им ко спасенію, изрѣкл еси, / тѣи же горце плакаху  
и вопіяху: / о пастырю наш добрый, / не остави  
нас, сырых, / но молитвами твоими сохраняй нас от  
всякаго зла! / Ты же, отче, благословеніе твоѣ им  
дав / и молитися о них обещава, / с миром душу  
твою Господеви предал еси, / Ему же помолися /  
нелишенным быти и нам наследія Небеснаго.

**И ныне, Богородичен: Кто Тебѣ не ублажит:**

**Вход, Прокимен дне. И чтенія три преподобни-  
ческа (зри страницы 14—15).**

**На литіи стихіры, глас 2.**

**Подобен: Егда от Древа:**

**Егда Божественное званіе прииде на тя, препо-  
добен, / еже работати Господеви в безмолвии  
пустыни, / тогда к настоятелю твоему, преподобно-  
му отцу Сергію, пришѣл еси / и твоѣ желаніе ему  
возвѣстил еси, / он же тя благослови, глаголя: / иди,  
чадо, а може Бог наставит тя. / Ты же, отче, в  
пустыню непроходимую отшел еси, / и, в ней  
вселив, жестокое житіе пожил еси, / и многим  
путеводитель ко спасенію был еси, / и ныне  
молися, преподобен, ко Христу Богу, / да спасет и  
просветит души наша.**

**Егда Божественная благодать призвала тя в  
пустыню, / Мефодіе преблаженне, / тогда, яко  
безплотен, многа лета в ней пожил еси / в постѣ,  
молитвах и слезах непрестанных, / бденіем и  
суходеніем изнуряя плоть твою, / узким и  
прискорбным путем шествовал еси / и множество  
инок собрал еси, / подражати тебѣ в подвигах  
пустынных, / их же Христу вслед себѣ привел еси, /  
Ему же помолися, преподобен, / спасти и просвети-  
ти души наша.**

**Егда благодать Святаго Духа / тя осени, препо-  
добен отче, / тогда наставник душеспасительный  
многим был еси, / нищія же, и вдовицы, и сироты /  
препитал еси во дни глада, / яко войстинну  
подражатель милосердія Спасова, / себѣ же сама-  
го, в постѣ и воздержаніи мнозе, / к Небесному  
Царствию приуготовал еси, / еже по достойнью  
и получил еси, / и молишися непрестанно Господе-  
ви, / спасти и просветити души наша.**



### Слава, глас 6:

**Приидите, инок множество, / пѣсньми духовными восхвалим / добраго пастыря словесных Христовых овец, / преподобнаго отца нашего Мефодия, / егѡже раченіем Христу уневѣстишася души многи. / Темже всечестную память егѡ похвалами ублажим: / молит бо ся Христу Богу / даровати миру мир / и душам нашим велию милость.**

**И ныне, Богородичен: Творец и Избавитель мой, Пречистая:**

### На стиховне стихиры, глас 1:

**В честней памяти твоей, преподобне отче Мефодие, / чудес сияньми верныя озаряеши: / дадеся бо тебе от Христа Бога велия благодать, / недуги исцеляти и бесы от человек изгоняти, / яко воистинну подражателю апостольскому. / Тем, припадаяще к мощем твоим, умильно глаголем: / отче преподобне, молися Триипостасному Богу / помилувати души наша.**

**Стих: Честна пред Господем / смерть преподобных Егѡ.**

**Преподобне отче Мефодие, / ты измлада Христа возлюбив, / все плотское мудрование в себе умертвил еси, / потщався хуждшее покорити лучшему / и плоть поработати духу, / тем сосуд чист и освящен Бѡгови явился еси / и, миро Духа Святаго в себе прием, / чудес источник соделался еси. / Молися о нас, преподобне, Триипостасному Богу, / помилувати души наша.**

**Стих: Блажен муж, бойся Господа, / в заповедех Егѡ восхощет зело.**

**Чувственные страсти победив воздержанием, / в пустыни возсиял еси чудес зарями / и тую у плодоносил еси трудами подвигов твоих духовных, / просвещая души, греховною тьмою помраченные. / И ныне нас, отче, твоими молитвами озари, / и просвети сердца наша к деланию заповедей Господних.**

### Слава, глас 8:

**Постников соборы, / постника Господня пѣсньми духовными почтим, / преподобнаго отца Мефодия**



дия, / и к нему́ моле́бно возопи́ем: / А́нгелов подо́б-  
ниче и челове́ков наста́вниче, / наста́ви ны ходи́ти  
пу́тем подвиго́в твои́х / и моли́твами твои́ми /  
соде́лай нас прича́стники бы́ти Ца́рствия Небе́с-  
наго.

**И ны́не, Богоро́дичен: Безневѣстная Дѣво:**

**На благословѣнии хлебѳв тропа́рь, глас 8:**

**Б**ожѣственною любѳвию от юности распала́емъ, /  
вся, яже в ми́ре краса́я, возненави́дев, / Хри-  
ста́ Еди́наго возлюбил еси́, / и, сего́ ра́ди в пусты́ню  
всели́вся, / в ней оби́тель сотвори́л еси́, / и, собра́в  
ино́к мно́жество, / при́ял еси́ от Бо́га чуде́с дар,  
отче Мефо́дие, / и был еси́ о Христѣ собесѣдник и  
спѳстник преподо́бному Серге́ю, / с нимже у Хри-  
ста́ Бо́га испроси́ правосла́вным христиа́ном здра́-  
вие, и спасѣние, / и душа́м на́шим ве́лию ми́лость.

**НА УТРЕНИ**

**На Бог Господь: тропа́рь свята́го, два́жды.  
Сла́ва, и ны́не, Богоро́дичен: Иже на́с ра́ди  
рождѣ́йся от Дѣвы:**

**По 1-м стихослѳвии седа́лен, глас 4.**

**Подѳбен: Скро́ро предвари́:**

Зва́нию Господню́ послѣдова́в, отче преподо́б-  
не, / в пусты́ню всели́лся еси́ / и та́мо оби́тель  
ино́ком сооруди́л еси́, / в нейже Имя́ Бо́жие сла́вит-  
ся благоче́стно. / И ны́не моли́ся, преподо́бне  
Мефо́дие, / сохранѣ́нной бы́ти оби́тели твоѣ́й от  
вся́каго зла / и спаст́ся душа́м на́шим.

**Сла́ва, и ны́не, Богоро́дичен:**

Богоро́дице, Ты обновила́ еси́, Пречи́стая, свя-  
ты́м рождество́м Твои́м / земныхъ челове́к па́дшее  
естество́ / и си́е па́ки Бо́гу присвоила́ еси́, / сего́  
ра́ди Тя пе́сенно велича́ем.

**По 2-м стихослѳвии седа́лен, глас 6.**

**Подѳбен: А́нгельския си́лы:**

Крест Христѳв на ра́мо взем, / к борѣнию со  
врага́ми невидимы́ми устремил́ся еси́, преподо́б-  
не, / и полки́ бесѳвския в пусты́ни победи́л еси́, /  
сего́ ра́ди, я́ко победоно́сец, по́чести венѣц при́ял



есї / от Христа, Человеколюбца и Спаса душ наших.

### Слава, и ныне, Богородичен:

Кийждо, идеже чает спастїся, тамо праведно и притекает; / мы же, обрѣтше тя прибежище спасительное, Богородице, / прилѣжно молимся Тебе: / покрый нас матерним покровом Твоим от всякаго зла / и спаси души наша.

### По полиелѣи седален, глас 4.

Подобен: Скоро предвари:

Егда благодать Святаго Духа тя осени, отче преподобне, / тогда благословением Богоноснаго Сергия утвержденный, / обитель пустынную составил еси / и в сооружении ея сам трудился еси, / трудолюбом образ и правило быв. / Темже моли, Мефодие преблаженне, Подвигоположника Христа Бога / спасти души наша.

### Слава, и ныне, Богородичен:

Призри, Владычице, на рабы Твоя / и умилосердися на люди согрешившия: / можеша бо, елика хочещи, яко Мати всех Творца Христа Бога. / Темже Тя по долгу ублажаем.

Таже степенна, 1-й антифон 4-го гласа. Прокимен, глас 4: Честна пред Господем / смерть преподобных Его. Стих: Что воздам Господеву о всех, яже воздаде ми? Всякое дыхание: Евангелие от Матфея, зачало 43.

### По 50-м псалме стихира, глас 6:

Богосне и преблаженне отче Мефодие, / ты усердно претерпел еси пустынное озлобление, / страхованія бесовская мужески победил еси / и, яко солнце, лучами чудес просиял еси в мире, / сего ради почитаем святую и всечестную память твою.

Канон Богородицы со ирмосом на 6 и святаго на 8, глас 8.

### Песнь 1

Ирмос: Море огустил еси, / погрузивый со оружием гордаго фараона, / и люди спасл еси немощ-



ренно, Гóсподи,/ и ввел еси́ я в гóру святы́ни,  
вопию́щая:/ по́йм Тебе́, Бо́гу на́шему, песнь  
победную, я́ко просла́вился.

**Мóря** страстна́го пучи́ною обурева́емы,/ к Тебе́,  
Иисúсе Всеблагий, прибега́юще, вопи́ем:/ от тимé-  
ния страстéй нас изба́ви,/ да в тишинé дýха  
уго́днику Твоему́ песнь хвалéбную принесéм,/  
егóже чудесы́ сла́вно просла́вил еси́.

**Мóрю** песóк предéл положивый Госпóдь,/ тя  
избра́, преподóбне óтче Мефóдие, от юности Емú  
благоугожда́ти/ и сегó ра́ди к вели́кому Сэ́ргию ты  
наста́ви,/ от негóже подвиго́м духо́вным научи́в-  
ся,/ в них сла́вно просла́вился еси́.

**Мóря** житéйскаго трево́лнение / не потопи́ лады́  
твоея́, óтче преподóбне,/ но, ве́янием Дýха Бóжия  
управля́емый,/ в т́хое пристáнище спасéния вшел  
еси́/ и чудесы́ многими от Гóспода просла́вился  
еси́.

**Богорóдичен:** Мóре слез испроси́ нам, Влады́чи-  
це Преблага́я,/ у Мило́стиваго Сы́на Твоего́ и Бо́га  
нашего,/ да, йми угаси́вше пещь страстéй,/ омы́ем  
сквэрну грехóвную душ на́ших/ и, спасéние вéч-  
ное улу́чивше,/ воспо́йм Христú песнь победную,  
я́ко просла́вился.

### Песнь 3

**Ирмо́с:** Утверди́ся сёрдце моé во Гóсподе,/  
вознесéся рог мой в Бóзе моём,/ разшири́шася на  
враги́ моя́ уста́ моя́,/ возвесели́хся о спасéнии  
Твое́м.

Утверди́л еси́ на ка́мени за́поведей Христóвых  
сёрдце твоё, преподóбне óтче Мефóдие,/ узким и  
прискóрбным путём шéствовал еси́,/ алчбою и  
жа́ждею плоть свою́ изнуря́я/ блаже́ннаго ра́ди  
бúдущаго покóя,/ егóже получи́в, весели́хся  
вéчно со святы́ми.

Утверждéнный благословéнием и моли́твою пре-  
подóбнаго Сэ́ргия,/ в пусты́ню удали́лся еси́, óтче  
Мефóдие,/ и, в ней многолётне потруди́вся,/  
обитель йно́ком возградил еси́,/ я́же спасéния  
ходатаи́ца бысть многим.

Утвержда́л еси́ словесы́ твоими́ душеспаси́тель-  
ными бра́тию твою́, преподóбне óтче,/ и был еси́



образ благочестия твоим учеником, / иже, тобою наставляеми, подражатели бѣша твоему житию святому / и вкупе с тобою получиша спасение.

**Богородичен:** Утверждение на Тя надеющихся, Пресвятая Богородице Владычице, / не посрами упования нашего, / еже по Бозе на Тя возлагаем, / но буди нам Заступница от нападений диавольских, / да, Тобою помоществуеми, возвеселимся о спасении нашем.

### Седален, глас 4.

**Подобен:** Скоро предваря:

Скорый помощник являешися, преподобне отче Мефодие, / с верою в молитвах тя призывающим: / дадеся бо тебе от Господа благодать / недуги врачевати и скорби утоляти, / обитель же твою святую и по смерти назирати. / Сего ради с любовью почитаем святую и всерадостную память твою.

### Слава, и ныне, Богородичен:

Скорый Твой покров, и помощь, и милость покажи на рабы Твоя, / и волны, Чистая, укроти светных помыслов, / и падшую мою душу возстави, Богородице: / вем бо, вем, Дево, яко можеша, елико хочещи.

### Песнь 4

**Ирмос:** Пророк Аввакум умными очима / провиде, Господи, пришествие Твое, / тем и вопияше: / от юга придет Бог. / Слава силе Твоей, слава низхождению Твоему.

Пророком Божиим Илий и Крестителю / уподобился еси, преподобне отче Мефодие, / пустынный житель быв, яко горлица уединенная, / славословия песни един Единому Христу возносил еси, / воспевая Того Божественное низхождение.

Пророчески провидев преподобный Сергей / имевшую устроиться в пустыни твоей обитель, / пришед к тебе, отче Мефодие, избра и благослови место, / на сооружение обители удобное, / егоже посещением обрадован быв, / вкупе с ним воспевал еси Спасово Божественное низхождение.



**Проро́ка** и ца́ря Дави́да словесе́м послéдуя, преподо́бне о́тче, / жи́ти бра́тии вку́пе в оби́тели твоéй законоположи́л еси́ / и о́бщаго жити́я ревни́тель был еси́ вели́кий, / приме́р собо́ю всем подава́я / и немóлчно воспева́я Христо́во Божéственное снизхожде́ние.

**Богоро́дичен:** Проро́ческая рече́ния на Тебе́ сбь́шася, Де́во Богоро́дице, / Ты бо Сло́во Бо́жие нетле́нно воплоти́ла еси́, / и Невместима́го во утробе́ Твоéй де́вственной нете́сно вме́сти́ла еси́; / тем Тя хвале́бно ублажа́ем / и воспева́ем спаси́тельное Христо́во снизхожде́ние.

### Песнь 5

**Ирмо́с:** Го́споди Бо́же наш, мир даждь нам, / Го́споди Бо́же наш, стяжи́ ны, / Го́споди, ра́зве Тебе́, ино́го не ве́мы, / Имя́ Твоё́ имену́ем.

Го́спода Бо́га освяти́л еси́ в души́ твоéй, преподо́бне о́тче, / и же́ртвенник мы́сленный ду́шу твою́ соде́лал еси́, / на нёмже же́ртву хвалы́ Го́сподеви возноси́л еси́ во смире́нии ду́ха, / немóлчно призы́вая Имя́ Бо́жие спаси́тельное.

Го́сподни за́поведи живото́рныя / име́л еси́ напи́санныя на скрижа́лех се́рдца твоего́, преподо́бне о́тче, / и пропове́дник бра́тии твоéй был еси́ ева́нгельскаго уче́ния, / к Небеси́ возводя́щаго челове́ки, / иже, послу́шающе сегó, моли́твенно призы́вают Божéственное Христо́во Имя́.

Го́сподень раб был еси́, Мефодие́ Богому́дре, / день и ночь труди́вшийся во сла́ву Бо́жию и на по́льзу душе́вную бли́жних твои́х, / ихже, я́ко сама́го себе́, возлюбив усер́дно, / гла́дныя пита́л еси́, / ни́щия, сироты́ и вдови́цы удовля́л еси́, / подви́зая их сла́вити о тебе́ Христо́во Имя́.

**Богоро́дичен:** Го́сподня Ма́ти и Влады́чица все́я тва́ри яви́лася еси́, Богоро́дице Мари́е, / нетле́нно поро́ждши Еди́наго от Тро́ицы, Бо́га Сло́ва, / Егóже моли́, Чи́стая, безсловесных страсте́й нас изба́вити, / да в ти́шинé безстра́стия се́рдцем и усты́ воспева́ем Егó Свято́е Имя́.

### Песнь 6

**Ирмо́с:** Я́ко во́ды морски́я, Человеколю́бче, / волна́ми житё́йскими обу́реваю́ся. / Те́мже, я́ко



*Иона, тако вопию Ти: / возведи от тли живот мой,  
Благоутробне Господи.*

**Я**ко кипарис высоковерхий, возрасл еси, преподобне Мефодие, в пустыни неплодней / и плодоношении духовными облагоухал еси Христову Церковь, / обитель создав, и, в ней иноков множество населив, / ихже словом и примером твоим ко Христу наставил еси.

**Я**ко присный ученик преподобнаго Сергия, отче Мефодие, / в устройении обители ему подражал еси точно, / слезами молитвенными паче, неже богатством земным, сию созидая / и присно моляся ко Господу, / да от тли греховныя соблюдет дело руку твою.

**Я**ко воевода благоискусный, отче, / воины духовныя в бранех со враги невидимыми к победам руководствовал еси: / искушен бо быв сам в подвизах пустынных, / и искушаемым удобно помогал еси тли греховныя избегати.

**Богородичен:** **Я**ко войстинну прибежище непостыдное христианом, / и щит, и покров, Мати Божия, / воспевающая Тя бед и скорбей свободи: / Тя бо, Едину Благословенную в женах, / Тобою тли греховныя избавльшиися, / немолчными хвалами ублажаем.

#### **Кондак, глас 4:**

**П**ослушания добрый рачитель быв, / безплотныя враги слезными молитвами твоими крепко посрамил еси / и явился еси Пресвятя Троицы жилище, / Юже зря, блаженне, ясно, / Богомудре Мефодие преподобне, / чудес дар от Нея приял еси. / Темже исцеляеши с верою приходящих недуги, / утоляеши скорби / и молишися непрестанно о всех нас.

#### **Икос:**

**В**озлюбив Христовы Божественныя заповеди, / возненавидел еси мира сего наслаждение: / плоть твою, преподобне, во временней жизни / постом, бдением и долу леганием изнурил еси / и в умерщвленном телеси песни немолчныя, хвалы и



славословія / Триединому Богу приносил еси, Мефодие отче наш, / от нас же слышиши песни таковыя: / радуйся, Ангеле земный и человеце Небесный, / Ангелы удививый жития твоего чистотою / и человеки научивый благоугождати Богу; / радуйся, светильниче немерцающий Божественная благодати, / в животé и по смёрти сияяй чудесы / и сими озаряяй души и сердца человеческия. / Радуйся, присный наш заступниче и о душах наших ко Господу молитвенниче: / молишися бо непрестанно о всех нас.

### Песнь 7

**Ирмос:** Халдейская пещь, огнём распалаемая, / орошашеся Духом, Божиим предстоянием, / отроцы пояху: / благословен еси, Боже отец наших.

**В** пещи искушений пустынных, отче Мефодие, / благодать Господню, тя орошающую, стяжал еси, преподобне, / темже непобедим врагом невидимым показался еси / и вся прилоги диавольския крепко сокрушил еси, зовый немолчно: / благословен еси, Боже отец наших.

**Поревновал** еси, преподобне отче, в житий твоём / великим во отцех Антонию, Пахомию и Евфимию / и, сих нраву и чистоте вину поучаяся, / яко безплотен, на земли подвизался еси, / сего ради сосуд избран Духу Святому сподобился еси быти, / Егоже действием чудеса преславная соделал еси в житий и по смёрти, / о нихже вернии благословляют Бога отец наших.

**Яко** крин в пустыни, процвел еси, преподобне, / и благоухания Христова исполнил еси отечество твоё земное: / светом добрых дел твоих озарил еси сердца человеков, / просвещая их учении твоими и научая пети Господеви: / благословен еси, Боже отец наших.

**Богородичен:** В пещи халдейской таинство рождества Твоего проразумевая, Богородице, / рождшимся от Тебе Искупителем спасение обретохом / и, подобно отроком Богословцем, Сыну Твоему и Господу благодарно зовём: / благословен еси, Боже отец наших.



## Песнь 8

**Ирмос:** *Ангели и Небеса́, / на Престо́ле сла́вы сядя́щаго / и я́ко Бо́га непреста́нно сла́вимаго, / благослови́те, по́йте / и превозноси́те Его́ во ве́ки.*

**Ангелы** собесѣдники имѣл еси́, преподобне отче, / и, сими́ укрепля́емый, в пусты́ни безлюдней многолѣтне пребы́л еси́, / еди́н Еди́ному Бо́гу работа́я. / Сего́ ра́ди ны́не со Безплотными водворя́ешься / и поѣши хвалѣбную пѣснь Триеди́ному Бо́гу, / Препе́тому и Превозноси́мому во ве́ки.

**Ангела** тя плотя́наго ве́мы, преподобне отче Мефодіе: / ангелоподобно бо на землі пожил еси́, / и чистоту́ души́ и те́ла ревно́стно соблю́л еси́, / ны́не же водворя́ешься там, иде́же ничто́же скверно входит, / и поѣши немолчную пѣснь Бо́гу, Препе́тому и Превозноси́мому во ве́ки.

**Ангелов** Творе́ц и всея́ тва́ри Созда́тель / подви́жника добродѣтелей яви́ тя, Мефодіе, / Его́же си́лою укрепля́емый, путе́м те́сным шѣствуя, / дости́гл еси́ совершенства духо́внаго, / Ца́рствие же Христо́во унасле́довал еси́, / и со святы́ми поѣши ра́достно: / Го́спода по́йте и превозноси́те Его́ во ве́ки.

**Богородичен:** *Ангельское целова́ние прино́сим Ти с любóвию, Богороди́це Чистая: / ра́дуйся, Благода́тная, Господь с Тобо́ю. / Ты же ра́дости нетле́нныя сподо́би Тя по до́лгу ублажа́ющия, / Ро́ждшагося же от Тебе́ Го́спода пою́щия и превознося́щия во ве́ки.*

## Песнь 9

**Ирмос:** *Чужде́ ма́терем де́вство, / и страна́но де́вам деторожде́ние: / на Тебе́, Богороди́це, обо́я устро́ишася. / Тем Тя, вся племена́ земна́я, / непреста́нно велича́ем.*

**Чужд** был еси́, преподобне, превозноше́ния тщесла́внаго / и в смире́нии глубо́цем жити́е твоѣ препроводи́л еси́: / о́браз смире́ния был еси́ твои́м учени́ком, / ихже прісно поуча́л еси́ бѣгати душепа́губныя горды́ни / и во смире́нии ду́ха велича́ти Христа́ Жизнода́вца.

**Чужды́м** пришельцем и страна́ником убо́гим / врата́ обита́ли твоея́ незатворѣна бы́ша, преподоб-



не отче, / но, Авраамово страннолюбие стяжав, / сия с любовью принимал и упокоевал еси, / зря в них Самого Христа, Егже присно величал еси.

**Чужд** праздности был еси, блаженне, / но присно в молитвах и трудех телесных подвизался еси, / при сооружении же обители твоея святыя / многия великия труды подъял еси, силою Господа сил укрепляемый, / Егже гласы хвалёбными немолчно величал еси.

**Богородичен:** Чуждых нас яви, Владычице, власти лютаго миродержца / и в час кончины нашея на помощь ускори к нам, беспомощным: / много бо может Матерняя молитва Твоя ко Господу, / и трепещут пред Тобою души тьмы, / ихже насилия нас избави, Всеблагая, / да Тя славословии радостными величаем.

### Светилен:

Процвел еси в постнических подвизах, превальне отче, / и плод чудотворения принёс еси Христовой Церкви, / яже иматъ тя, яко шипок благоноен, / миром Духа Святаго наполненный, / имже злобные страстей упраздняется и исцеления подаются / с верою и любовью к тебе притекающим.

### Слава, и ныне, Богородичен:

Тя песньми немолчными ублажаем, Дево, / яко от Троицы Единого родила еси, Богородице, / и явила еси нам, потемненным, свет спасения / Божественным и Пречистым Твоим рождеством.

### На хвалитех стихиры на 4, глас 5.

**Подобен:** Радуйся, постников:

Радуйся, отче Мефодие, / звездо пресветлая, / небо Российския Церкви озарившая; / радуйся, великаго Сергия преславный учениче и вселюбимый, / трудами подвигов твоих ему подражавый; / радуйся, представителю и помощниче скорый / в молитвах ты призывающих: / предвари и подвигни святыя молитвы твоя о нас ко Господу / и данною ти от Него благодатию / недуги наша душевныя и телесныя исцели, / прося даровати нам велию милость.



**Рáдуйся, главо́ освящённая, / жилище́ Духа Свята́го, / сосúde избранны́й Божия́ благода́ти, / наста́ви всех нас, о́тче, / ходи́ти путе́м богоуго́дных исправле́ний твоих / и прекло́нися ми́лостивно к гла́сом хвале́бным, / ймиже́ честву́ем святу́ю и всера́достную па́мять твою́. / Боля́щих целите́лю и печа́льных утешите́лю, / помяни́ нас в моли́твах твои́х ко Го́споду / и проси́ нам у бла́гости Его́ ве́лию ми́лость.**

**Рáдуйся, йноков пра́вило, / преподо́бных красо́то, / чуде́с Божественных соверши́телю, / Мефо́дие Богоно́сне, / блиста́ньми чуде́с твои́х озаря́я о́течество твоё земно́е / и си́ми утвержда́я нас в Правосла́вней ве́ре, / честну́ю па́мять твою́ соверша́ющим, / пода́ждь да́ры целе́бныя, коему́ждо по потре́бе, / и моли́ Христа́ Бо́га / дарова́ти нам ве́лию ми́лость.**

### **Сла́ва, глас 6:**

**Преподо́бне о́тче Мефо́дие, / во вся концы́ стра́ны Росси́йския / изы́де веща́ние чуде́с твои́х / и сла́ва сострада́ния твоего́ к лю́дем, / сего́ ра́ди честву́ем с любóвию святу́ю па́мять твою́, / я́ко вели́каго уго́дника Божия́, / чудотворца́ же пресла́внаго, / и умильно глаго́лем: / о́тче преподо́бне, / моли́ся ко Го́споду о спасе́нии душ на́ших.**

### **И ны́не, Богоро́дичен:**

**Никто́же, притека́яй к Тебе́, / посра́млен от Тебе́ исхо́дит, / Пречи́стая Богоро́дице Де́во, / но про́сит благода́ти / и прие́млет дарова́ние к полёзному́ проше́нию.**

**Славосло́вие вели́кое. И отпу́ст.**

### **НА ЛИТУРГИИ**

**Блаже́нны от канона́ пёснi 3-я и 6-я. Прокíмен, глас 7: Честна́ пред Го́сподем / смерть преподо́бных Его́. Стих: Что возда́м Го́сподеви о всех, я́же возда́де ми? Апóстол к Гала́там, зача́ло 213. Аллилу́ия, глас 6: Блаже́н муж, бойся Го́спода, в за́поведех Его́ восхо́щет zeló. Стих: Си́льно на земли́ бу́дет се́мя Его́. Ева́нгелие от Луки́, зача́ло 24. Прича́стен: В па́мять ве́чную:**



## Моли́тва

**О** священная главо́, земный́ Ангеле и Небесный́ челове́че, преподо́бне и Богоно́сне о́тче наш Мефо́дие! Припада́ем к тебе́ с ве́рою и любо́вию и мо́лим ти ся приле́жно: яви́ нам, смире́нным и грешным, свято́е оте́ческое твоё заступле́ние, се бо грех ра́ди на́ших не има́мы свобо́ды ча́д Бо́жих, проси́ти о потре́бах на́ших Го́спода и Влады́ку на́шего, но тебе́ моли́твенника благопри́ятнаго к Не́му предлага́ем и проси́м тя со усер́дием мно́гим, испроси́ нам у бла́гости Егó благопотре́бныя да́ры душам и телесе́м на́шим; ве́ру пра́ву, наде́жду спасе́ния несомне́нну, любо́вь ко всем нелицеме́рну, в искуше́ниях му́жество, в злострада́ниях терпе́ние, в моли́твах постоя́нство, душ и телес здра́вие, земли́ плодоноси́е, возду́ха благорастворе́ние, житей́ских потре́б дово́льство, ми́рное и безмяте́жное жити́е, благу́ю христиа́нскую кончи́ну и до́брый отве́т на Стра́шном Суде́ Христо́ве. Испроси́, уго́днице Бо́жий, у Царя́ ца́рствующих и Го́спода господа́ствующих правосла́вным христиа́ном спасе́ние и на враги́ одоле́ние и все́му оте́честву на́шему мир, ти́шину и благостро́ение. Не лиш́и нас по́мощи твоея́ Небесны́я, но моли́твами твои́ми всех нас приве́ди в приста́нище спасе́ния и насле́дники яви́ нас бы́ти все́светлаго Ца́рствия Христо́ва, да поём и сла́вим неизрече́нныя щедро́ты Человеколю́бца Бо́га, Отца́, и Сы́на, и Свята́го Ду́ха и твоё свято́е оте́ческое заступле́ние, во ве́ки веко́в. **Ами́нь.**

**Преподобный Мефодий, игумен Пешношский (XIV)** был основателем Пешношского монастыря. В юности он пришел к Преподобному Сергию Радонежскому и провел несколько лет под его руководством, затем, по благословению Преподобного Сергия, удалился в пустынное место и за рекою Яхромой в лесу поставил келлию. Вскоре в эту глухую и болотистую местность к нему явилось несколько учеников, желавших подражать его жизни. Преподобный Сергий посетил его и дал совет построить обитель и храм. Преподобный Мефодий сам трудился при построении храма и келлии, «пещ»

нося деревья через речку, которую с тех пор стали называть Пешноша.

С 1391 года преподобный Мефодий стал игуменом своего монастыря. По временам он удалялся за две версты от монастыря и здесь подвизался в молитве, сюда же для духовных бесед к нему приходил Преподобный Сергий, почему эта местность и получила название «Беседа».

Преподобный Мефодий был погребен (†1392) в основанной им обители. В 1732 году над его мощами была сооружена церковь во имя преподобных Сергия Радонежского и Мефодия Пешношского. Начало местного празднования относят к концу XVII в.